







皇清經解卷一千二百五十八

學海堂

爾雅義疏

棲霞郝戶部 懿行 著

儼恪祗翼謹恭欽寅煖敬也

儼然敬貌書曰夙夜惟寅詩曰我孔煖矣謹未詳

釋名云敬警也恆自肅警也

京賦薛綜注敬宜也通作儼詩曰儼然敬貌書曰夙夜惟寅詩曰我孔煖矣謹未詳

引作既儼既戒儼者詩碩大且儼曲禮云儼若思毛鄭並云儼矜莊貌離騷云湯禹儼而求合今文選思兮賦云僕夫儼

其正策兮王逸注及舊注並云儼敬也通作嚴詩柏舟傳及論語子張篇釋文並云儼本或作嚴按釋名云嚴儼也儼然

人憚之也是儼嚴聲義同恪者客之或體也說文云客敬也儼然引春秋傳曰以陳備三客通作恪詩執事有恪周語云俾莫

不任肅純恪也又通作恪魯峻碑云敬恪恭儉帝堯碑云若不虔恪魏修孔子廟碑云追存二代三恪之禮蓋恪卽客之

異文恪又恪之省文耳祗者說文云敬也書金縢云罔不祗畏史記魯世家作罔不敬畏費誓云祗復之魯世家作敬復

之通作振書曰嚴祗敬六德史記夏紀祗敬作振敬內則云祗見孺子鄭注祗或作振振祗聲相轉也翼者詩有嚴有翼

以燕翼子以引以翼傳並云翼敬也常武傳翼翼敬也釋訓云翼翼恭也恭亦敬故詩文王傳云翼翼恭敬蓋兼用詁訓

皇清經解

卷一千二百五十八

郝戶部爾雅義疏

庚申補刊

訓

訓

訓

訓

二文也逸周書程典篇云慎下必翼上周語云翼其上也翼皆訓敬通作趨論語云趨進翼如也說文作趨進翼如也又通作翊漢書禮樂志云共翊翊集注共讀曰恭翊翊敬也是翊即翼矣諱者禮之假音也詩克禋克祀傳禋敬也本爾雅左氏桓六年傳以致其禮祀杜預注禋絜敬也與孫炎義同俱本毛傳為訓也恭者說文與敬俱訓肅也恭敬義同經典對文則少儀云賓客主恭祭祀主敬鄭注恭在貌也而敬又在心若散文則敬亦為恭恭亦為敬故諡法云敬事供上曰恭夙夜恭事曰敬是二義互相訓也釋名云恭拱也自拱持也亦言供給事人也亦二義相兼通作共書愿而恭史記夏紀作愿而共詩匪其止共韓詩作匪其止恭經典恭共通者非一舉此二文其餘皆可知也又通作龔龔書象恭滔天漢書王尊傳作象龔滔天恭行天之罰梁元帝告四方檄云龔行天罰又通作供老子注云非唯恭其乏而已釋文恭一作供荀子修身篇云行而供龔楊倞注供恭也皆其證也欽者書欽若昊天五帝紀魏文志竝作敬順昊天諡法云威儀悉備曰欽書堯典正義引鄭注云敬事節用謂之欽蓋樽節退讓與攝以威儀斯皆恭敬之實也寅者寅之假音也說文云寅敬揚也漢書集注引書曰寅亮天工敘傳云寅用刑名文選永明九年策秀才文云寅奉天命李善注引爾雅曰寅敬也通作寅逸周書祭公篇云寅哉寅哉孔晁注寅敬也煇者難之假音也說文云難敬也本爾雅通作煇詩我孔煇矣傳煇

朝旦夙晨峻早也

峻亦明也

敬也說文亦引此句而云煇乾見煇無敬意故徐鍇繫傳以煇為難其說是也蓋難從難聲煇從漢省漢又從難省故聲同字通又通作難禮儒行云儒有居處齊難難即難之省借齊難猶言莊敬鄭注以為齊莊可畏難也似失之矣

說文云早晨也夙日在甲上老子云是謂早服河上公注早先也齊策云早救之高誘注早速也按今人謂及早為即速速猶夙也夙即早也通作蚤蚤土相見禮云問日之早晏鄭注古文早作蚤詩四之日其蚤王制注作四之日其早又早起孟子書作蚤起皆其證矣朝者說文云旦也从軛舟聲虞翻易訟注云日在甲上稱朝與說文訓早義合鄭注祭義云朝日出時也通作調詩怒如調飢傳調朝也又通作朝汝墳釋文調張留反又作朝音同說文心部引詩正作朝飢又通作鼂說文鼂讀若朝杜秋以為朝且非是楚辭哀郢篇云甲之鼂吾以行王逸注鼂且也文選上林賦注及漢書注竝云鼂古朝字又通作晁漢書景帝紀注晁古朝字文選羽獵賦云於是天子乃以陽晁李善注朝晁古字同俱杜林所本也且者說文云明也夙日見一上一地也按日出地上曰旦日八氏下曰昏二者意亦同也詩葛生東門之枌箋板傳竝云旦明也經典或言旦明或言旦夕少牢饋食禮云旦明行事鄭注旦明旦日質明管子小匡篇云旦昔從事於此尹知章注

且昔猶朝夕也夙者夙之俗體也說文云夙早敬也从夊持
事雖夕不休早敬者也通作夙詩禮內凡言夙夜夙興者非
一傳箋及注竝云夙早也又通作宿宿說文夙古文作宿宿久
此故逸周書寤微篇云戒惟宿孔晁注宿古文夙蓋宿有久
舊二義又有豫先二義然則久次舊故皆入之早也豫期先
定皆時之早也又通作肅詩生民箋夙之言肅也蓋夙與速
聲義同又肅速上文竝訓疾也疾速亦皆為早矣晨者說文
作晨云早昧爽也从自辰辰時也辰亦聲夊夕為夙曰辰
為晨皆同意釋名云晨伸也且而日光復伸見也詩庭燎箋
晨明也周禮司寤注晨先明也晉語丙之晨注晨早朝也漢
書律麻志引左氏僖五年傳丙
之晨作丙子之辰蓋辰即晨耳

頤埃替戾底止俟待也

書曰俟我后今河北人語亦然

說文云待埃也頤者說文云待也通作須士昏禮記云某敢
不敬須士喪禮云擯者出告須鄭注竝云須待也又通作需
易象傳云需須也莊子大宗師篇云聶許聞之需役釋文引
王云需待也是需須古字通埃者說文云待也通作俟釋文
云埃字又作俟詩靜女相鼠著傳及儀禮注竝云俟待也又
通作圮說文埃或从巳釋文埃亦作圮蓋圮即圮字之譌也
又通作待大射儀注今文俟作待替者下文云止也釋言云
廢也說文云廢一偏下也隸變作替毛鄭亦皆作替而訓廢

蓋廢有止義止有待義故又訓待也說文替从自聲自與自
同或从白作替或从就作替魏三體石經書大誥云不敢替
作不敢替本於說文也又通作秩或作載少牢饋食禮云勿
替引之鄭注古文替為秩秩或為載載替聲相近按替今他
計切秩直一切裁他結切則聲相近轉矣今本儀禮秩作秩
字之誤也戾底下文竝云止也戾上文云至也至止聲近止
待義同故訓止之字又多訓待替戾底皆是也戾者止之待
也底者至之待也釋言云底致也致亦至也止者息之待也
止訓至也居也處也留也皆休息之義休息亦待之義故禮
檀弓云吉事雖止不怠鄭注止立俟事時也此即止訓待之
意也俟者說文云待也郭引書曰俟我后孟子作俟我后趙
歧注俟待也郭云今河北人語亦然者據時驗也今東齊人
亦曰俟待又今語謂待
為等等即待聲之轉也

噓幾茲殆危也

幾猶殆也噓裁未詳

謂相摩近

釋名云危既也既既不固之言也說文云危在高而懼也从
厃𠂔自止之按厃屋椽也故喪大誥云中屋履危史記
魏世家云瘞因上屋騎危鄭注及裴駮集解竝云危棟上也
然則危猶畏也高而生懼也噓者說文云危也龍龕手鑑二
引爾雅舊注云噓事之危也幾者說文云微也殆也从𠂔从
戍戍兵守也𠂔而兵守者危也詩維其幾矣周語云而玉幾

頓乎荀子堯問篇云女以魯國騎人幾矣傳注竝云幾危也
 裁者與災災同災訓害與危義近經典多通作蓄蓄災聲同
 也釋地云田一歲曰蓄郭注初耕地反草為蓄孫注蓄音災
 始災殺其草木也是災蓄音義同殆者說文云危也大學注
 及論語包咸注竝云殆危也檀弓云夫子殆將病也又云不
 殆於用殉乎哉鄭注竝云殆幾也幾亦近也故詩無小人殆
 易繫辭其殆庶幾乎鄭箋及侯果注竝云殆近也○幾即幾
 也又訓汽者汽近也爾雅蓋即汽之為近以明危之亦為近
 故復申釋其義也幾從幾聲幾幾近也玉篇竝云危也說
 文云幾幾也說事之樂也徐鉉以為說文無幾字當是說字
 之誤今按當為汽字作說亦誤也說文說汽訓水涸竝
 从气聲但汽兼涸止二義水涸盡則近於地故汽又訓近也
 詩汽可小康傳汽危也鄭箋汽幾也正義引孫炎曰汽近也
 不同者爾雅下文云幾近也此云幾汽也知汽即近矣毛訓
 汽為危義猶未顯故鄭申之訓汽為幾然後知汽幾即幾汽
 又知爾雅之幾蓋幾之假借也漢書元帝紀引詩作迄可小
 康迄亦汽之假借也

治肆古故也 治未詳肆 **肆故今也** 肆既為故又為今今亦為故
 故亦為今此義相反而兼通

者事例在下
 而皆見詩

說文云故使為之也楚辭招魂篇注故古也蓋故有二義訓
 古者今之對也訓使為之者以人所有事也爾雅之故亦兼
 二義知者招魂篇云樂先故些王逸注故舊也穀梁襄九年
 傳故宋也范甯注故猶先也先舊義俱為古也是皆故訓古
 之證墨子經上篇云故所得而後成也即說文故使為之之
 意公羊昭卅一年傳云習乎邾婁之故周語云且無故而料
 民何休及韋昭注竝云故事也是皆故訓事之證通作固固
 之為言猶故也見儀禮禮記注論語云固天縱之將聖論衡
 知實篇固作故周語云而容於故實史記魯世家故作固皆
 其證也治者值之故也釋名云治值也玉篇云修治也除之
 除冀二切爾雅之治亦兼二音故釋文治如字施直吏反治
 與事聲義近故呂覽論人篇云事心乎自然之塗淮南傲真
 篇云事其神者神去之高誘注竝云事治也事訓治治亦訓
 事事即故字之訓也通在始孟也云始條理也孫奭音義云
 本亦作治條理也通在始孟也云始條理也孫奭音義云
 也肆者陳之故也肆陳訓久也舊也舊久義俱為故也
 郭云見詩書者詩肆其情之傳肆固也鄭箋固當為故是也
 書肆朕誕以爾東征漢書韋方進傳作故子大以爾東征肆
 訓為遂故書肆類于上帝肆觀東后史記五帝紀肆俱作遂
 楚辭天問篇云遂古之初遂亦肆也肆有申遂之義故亦申
 事之詞然則經典凡言是故者即肆故也或言是以者即遂
 以也又言所以者亦是以也皆申事之詞也肆遂是所俱一

聲之轉也古者說文云故也从十口識前言者也玉篇云古久之言也詩逝不古處古訓是式傳並云古故也絲傳又云古言久也久舊亦故也廣雅云古始也始亦治也治亦故也○今者說文云是時也从人从丁丁古文及按今不古也已故為古及時為今人會及時之意故云是時也文選南都賦注引蒼頡篇曰今時辭也詩迨其今今傳今急辭也然則今為急辭即知故為緩辭矣肆訓故又訓今者肆遂也遂有緩義亦有急義緩義為故急義為今也肆亦有緩急二義書告災肆赦肆訓緩也詩是伐是肆肆訓疾也由斯以談凡言是故者舒緩之詞也凡言即今者急疾之詞也字有二義因有二訓然則肆既為故又為今無足怪矣詩縣及思齊傳並云肆故今也大明及抑箋亦云肆故今也俱故今二字連文郭讀斷開非毛鄭意也所謂故今者即肆今也肆今猶肆古也肆古之聲變為是故肆今之聲變為斯今詩匪今斯今是也斯今又聲變為自今詩自今以始是也經典或言迄今或言及今或言至今此字異而義同郭云事例在下者見下文祖

注

惇亶祐篤擊仍毗埤竺腹厚也

類仍埤益毗輔皆重厚擊然厚貌餘皆見詩書

說文云厚山陵之厚也从厚啣口厚厚也从反音按高从高省所音在上也故易曰公用亨于天子厚从反音所厚在下

也故易日上以厚下安宅然則厚者上益下也易曰損下益上也故易曰益下曰益故厚為增益之義也至厚莫如地易曰坤厚載物故說文云古文厚作厚从后上后上即地矣厚猶多也又訓重也重且多則大矣故墨子經上篇云厚有所大也通作後見莊子列禦寇篇釋文按釋名云厚後也有終後也是後厚同又通作后后即屋字之省也惇者說文作惇云厚也書云惇德史記五帝紀作厚德禮內則云惇史鄭注惇史史惇厚是也通作敦詩王事敦我曲禮云敦善行而不怠樂記云及夫敦樂而無憂毛傳鄭注並云敦厚也亶者藏之厚也說文云多穀也上文云信也誠也誠信與惇厚義近周語引詩亶厥心而釋之云亶厚也通作單詩單厥心及俾爾單厚傳並云單厚也彖柔正義引某氏曰詩云俾爾亶厚又通作亶逢天亶怒傳亶厚也正義云亶亶音相近義亦同釋文亶本亦作亶左傳正義引樊光曰詩云逢天亶怒又通作燁呂覽重已篇云衣不燁熱高誘注燁讀曰亶亶厚也祐者一切經音義二引爾雅舊注云祐謂福厚也賈子容經篇云祐大福也大與厚義相成也篤者管之假音也說文云管厚也从竹聲讀若篤經典通作篤上文云篤固也固厚義近詩椒聊大明皇矣公劉傳箋並云篤厚也通作毒書天毒降災荒殷邦史記宋世家作天篤下災亡殷國擊者上文云固也又訓厚者擊之為言堅也堅訓密緻皆有厚意故又訓厚矣仍者仍之假音也說文云仍厚也通作仍下文云仍因也

廣雅云仍重也小爾雅云仍再也周語注仍數也漢書注仍
 頻也俱與厚義近又通作仍釋文仍本或作仍又轉為仁仁
 亦厚也論語云仍舊貫釋文引鄭注魯讀仍為仁今從古毗
 者說文作臝或作毗云牛百葉也經典臝毗通用詩福祿臝
 之傳臝厚也釋文引韓詩作毗義亦同又通作毗天子是毗
 傳毗厚也箋毗輔也輔厚義亦相成也埤者增之厚也說文
 云埤增也詩政事一埤益我傳埤厚也通作餽說文云餽益
 也廣雅云埤益也埤益我傳埤厚也通作餽說文云餽益
 肅作埤又與裨通鄭語注裨益也漢書注裨助也觀禮侯氏
 裨冕鄭注裨之為言裨也埤音義又同矣者說文云
 厚也从竹聲平與令辭君裨云邁此竺旻通作篤釋文竺字
 又作篤腹者與臝同意說文云厚也釋名云腹復也富也復
 富竝與厚義近詩出入腹我禮月令云水澤腹堅傳注竝云
 腹厚也通作復月令釋文腹本又作復又通作復水澤腹堅
 呂覽季冬紀作水澤復高誘注復亦盛也復或作復凍重累
 也又轉為阜一切經音義十三引國語賈遠注阜厚也是阜
 腹義又同也

載謨食詐偽也

載者言而不信謨者謀而不忠書曰朕不食言

說文云偽詐也从為聲按偽之言為也故廣雅云偽為也荀
 子性惡篇云人之性惡其善者偽也楊倞注偽為也矯也偽

其本性也凡非天性而人作為之者皆謂之偽故偽字人旁
 為亦會意字也禮曾子問云作偽王以行鄭注偽猶假也然
 則假之為言詐也詐之為言作也作與詐偽與為古皆通用
 故釋言云作造為也詩尚無造傳造偽也小子有造傳又云
 造為也是為偽通禮月令云毋或作為淫巧鄭注今月令作
 為為詐偽是詐亦通作偽亦通為推此而言左氏成九年傳
 為將改立君者定十二年傳子為不知釋文竝云為本作為
 是皆偽為通之證也爾雅之偽義亦通為說者但謂詐偽則
 失之矣載者下文云行也亦為論法云載事也事亦為故
 大宗伯云大賓客則攝而載果鄭注載為也下文載又訓言
 故郭云載者言而不信上文謨已訓謀故郭云謨者謀而不
 忠今按郭說載言謨謀是也其云不忠不信非也何以明之
 謨之為言摹也規摹圖畫與作為義近與詐偽義遠然則載
 謨為作為之為食詐為詐偽之偽而亦為作為一字皆兼數
 義爾雅此例甚多偽之通為益無可疑矣食者郭引書湯誓
 云朕不食言又晉語云饒之會魯人食言文選思名賦云疾
 防風之食言韋昭及舊注竝云食偽也左氏僖廿八年傳背
 惠食言成十六年傳潰齊盟而食話言法言重黎篇亦云不
 食其言是經典俱食言通文故湯誓及左傳正義竝引孫炎
 曰食言之偽也此亦望文生義實則食自訓偽不必因言以
 見知者逸周書皇門篇云媚夫有邇無遠乃食蓋善夫孔晁
 注食偽也為亦偽也書意蓋言佞媚之人以飾詐作偽掩蓋

善士又左氏哀元年傳後雖悔之不可食已此食亦當訓為猶言疾不可為矣是皆食自訓偽不因言見之證杜注訓食為消孔傳訓食為盡俱不合爾雅之詁亦為妄說矣詐者說文云欺也方言云膠謠詐也淮南俶真篇注巧言為詐荀子修身篇云匿行曰詐是詐兼言行而言也詐與偽同意偽與偽同聲周禮馮相氏注辨秩南詭漢書王莽傳作以勸南偽是偽偽通故詩河水及正月箋並云訛語也蓋言訛當作偽而為有臣為亦偽矣偽所以為欺故曰吾誰欺欺天乎詩云人之為言苟亦無信為亦偽也釋文為本或作偽正義本即作偽故云人之詐偽之言又云君能不受偽言則人之譌言者復何所得焉

話猷載行訛言也
詩曰慎爾出語猷者道道亦言也周禮曰作盟詛之載今江東通謂語為行世以妖言為

訛

釋名云言宣也直彼此之意也墨子經上篇云言曰之利也莊子外物篇云言者所以在意法言問神篇云言心聲也按言語有別故詩公劉傳直言曰言論難曰語禮哀公問注又云言語也周禮豕人注亦云言猶語也是言語二字對文則別散則通也易笑言啞啞釋文言亦作語一切經音義六引易作笑語啞啞是言語通矣話者說文作諧云合會善言也

从昏聲籀文从會作諧通作話經典或話言連文故小爾雅及左傳杜預注並云話善也實則善言為話非話即為善故詩板及抑傳並云話善言也此為話字本義抑傳又云話言古之善言也書立政正義引舍人曰話政之善言也盤庚正義引孫炎曰話善人之言也是皆緣詞生訓非話之本義也載者郭引周禮詛祝云作盟詛之載辭又司盟云掌盟載之鬻鄭注載盟辭也是皆郭義所本訛者

遘逢遇也
謂相 **遘逢遇遘也**
轉復為 **遘逢遇遘見也**
行而相

說文云遇逢也釋言云遇偶也釋名云耦遇也二人相對遇也然則遇亦二人相對耦矣遘者說文云遇也書遺厲虐疾通作覲詩亦既覲止傳覲遇也又通作葍詩中黃之言釋文葍本又作遘又通作迺詩迺遘相遇釋文遘本亦作迺毛傳迺近不期而會也又通作姁易象傳及雜卦傳並云姁遇也釋文如薛云古文作遘鄭同也逢者說文云遇也又云迎逢也方言云逢迎也是逢迎互訓其義則皆為遇故楚辭天問篇云逢彼白雉王逸注逢迎也而親以逢殆注逢遇也按逢有蓬音今人謂相遇曰逢讀若蓬去聲○遘者說文云相遇

驚也从聃聲亦聲按選音五各五故二反說文訓遘驚則音五各爾雅直訓遇則音五故實則二音相轉俱通也選訓驚者通作愕文選西都賦法引字書云愕驚也廣雅同又作愕

皇清經解 卷三十三 郝戶部爾雅義疏

庚申補刊

一切經音義五引字書云愕或作𠄎同五各反是也選訓遇者通作選玉篇云選遇也又作迂玉篇云選同迂爾雅釋文亦云選字又作迂同五故反是也又通作晤詩可與晤歌傳晤遇也又通作迺釋言云迺寤也郭注相干寤又通作寤漢書敘傳云勿寤聖君集注鄧展曰爾雅寤逢遇也又通作午荀子富國篇注午讀為迂遇也此皆選訓遇之證也楚辭懷沙篇云重華不可選兮王逸注選逢也逢亦遇矣○見者郭云行而相值即見也者值當也兩人相對相當也選訓見者字當作覲說文云覲遇見也詩內覲字傳箋竝云見也逢訓見者洪範五行傳云是離逢非診鄭注逢見也按今人行而相值謂之逢見不相值謂之未逢見逢亦讀為蓬去聲矣遇訓見者禮檀弓云遇於一哀而出涕又云遇負杖入保者息鄭注竝云遇見也曲禮云諸侯未及期相見曰遇大宗伯云冬見曰遇是皆以遇為見也選訓見者列子黃帝篇云選物而不習殷敬順釋文選一本作選龍龕手鑑四引爾雅舊注云心不欲見而見曰選是選訓見也選與晤同可與晤歌箋晤猶對也相對亦相值矣

顯昭覲釗覲見也

顯昭明見也逸書曰釗我周王

監瞻臨泣覲相視也

皆謂察視也

說文云見視也按見有二音視有二義見訓看者音古電切訓示者音胡電切爾雅之見實兼二音釋文但主賢徧一音

失之矣視訓瞻也又與示同見詩箋及曲禮士昏禮注然則見之言看也又言觀也顯昭皆觀示之義讀賢徧者是也覲覲皆看視之義讀古電者是也郭注亦二義兼矣顯昭上文竝云光也光與見義相成顯者古文作曷从日中視絲是有光明著見之義故詩天維顯顯思傳顯見也吳語云不敢顯然布幣行禮章昭注顯猶公露也蓋公然顯露亦為著見昭者詩文王時遺傳箋竝云昭見也樂記云蟄蟲昭蘇鄭注昭曉也曉亦明見之意通作照照與昭同也覲者大宗伯云秋見曰覲按爾雅之覲與周禮異凡見皆稱覲非必朝王非時皆可見不必因秋故書曰覲四岳羣牧肆覲東后在正月二月間明覲不必秋矣詩韓侯入覲左氏隱四年傳王覲為可覲皆訓見亦不必秋又貴賤相見皆稱覲故左氏昭十六年傳宣子私覲於子產是凡見皆稱覲明不獨施於至尊矣釗者上文云勉也方言云遠也皆不訓見郭引逸書曰釗我周王梅書作昭我周王孟子作紹我周王趙岐注以為願見周王孟子所引必書之真古文梅作昭郭作釗蓋皆紹之假借故趙注謂願見周王是紹訓見其義與爾雅合或趙所據爾雅古本作紹舊注以願見為說而趙從之均未可知若從梅書作昭昭已訓見不當重出若從郭引作釗釗無訓見之文必是假借然則爾雅古本竊疑當從孟子作紹紹訓為見當依趙注為說郭本作釗或係聲借之字而郭未詳今注疑有缺脫抑或郭引逸書即本梅書作昭而轉寫者見正文有

劍字注文因誤作劍矣觀者公羊莊廿四年傳觀者何見也
左氏傳宗婦觀用幣漢五行志作宗婦見用幣聘禮有私觀
謂賓私見也然凡見皆稱觀故左氏昭十九年傳龍不我觀
也周語云武不可觀又云火朝觀矣觀皆訓見又貴賤相見
皆稱觀思名賦云觀大皇于瓊宮易云三歲不觀是觀又為
相見之通稱矣見既訓觀亦訓見此見但為看見之見
視亦但為瞻視之視也故說文云視瞻也釋名云視是也察
其是非也通作視說文既視俱古文視字周禮食醫云食齊
眠春時土昏禮注作食齊視春時又通作示卜師云眠高揚
火士喪禮注作示高揚火按視亦有二音一切經音義二引
字詁云視時音時至二反釋文無音今唯取時音一音亦非
也監者監之假音說文云監視也通作監說文臨下也詩何
用不監呂覽達鬱篇云王使衛巫監誦者毛傳及高誘注並
云監視也方言云監察也瞻者詩傳箋並云視也說文云臨
視也通作詹詩魯邦所詹說苑雜言篇作魯侯是瞻臨者方
言云照也詩箋云視也易繫辭云如臨父母虞翻注臨見也
晉語云臨長晉國者韋昭注臨監也監見照其義皆為視也
洫者說文作隸云臨也通作洫詩采芑傳洫臨也周禮司市
及大宗伯注鄭眾並云洫視也鄉師注鄭眾云洫謂臨視也
又通作蒞士冠禮及文王世子洫皆作蒞又通作位穀梁儋
三年傳洫者位也昭七年傳洫位也周禮肆師注故書位為
洫杜子春云洫當為位書亦或為位又通作立鄉師司市及

大宗伯注並云故書洫作立鄭眾讀立俱為洫按隸字經典
所無小宗伯注古者立位同字蓋洫蒞從立位故假借俱
通矣規者說文云諸侯二年大相聘曰規規視也通作類類
說文以為俛仰字經典借為規字考工記玉人云以類聘齊
語云以驟聘類於諸侯鄭注及韋昭注並云類視也典瑞及
大行人小行人類聘類省字俱作類又通作眺以驟聘類之
類宋本國語作眺思乎賦云流目眺夫衡阿兮魏都賦注引
爾雅亦作眺視也相者說文云省視也引易曰地可觀者莫
可觀於木又引詩曰相鼠有皮毛傳相視也大司徒注相
占視也考工記矢人注相猶擇也擇與占亦察視之意

鞠誦溢盈也

詩曰降此鞠誦

說文云盈滿器也从乃夙以市買多得為夙是夙有多益之
意與滿義近故墨子經上篇云盈莫不有也詩鵲巢及匏有
苦葉傳並云盈滿也禮祭義注盈猶溢也按盈之言贏也贏
者有餘賈利也是贏盈聲同又與盈從乃義近矣通作逞穀
梁昭廿三年經云沈子盈滅釋文盈本亦作逞左氏襄廿三
年傳晉欒盈史記晉世家作欒逞齊世家集解徐廣曰盈史
記多作逞田完世家索隱曰逞音盈是盈逞古字通又左氏
昭四年傳逞其心以厚其毒新序善謀篇逞作盈亦其證杜
預訓逞為盡義亦近矣鞠者詩曷又鞠止降此鞠誦箋傳並
云鞠盈也溢者說文云器滿餘也从艸鞫鞫鞫鞫鞫鞫鞫鞫
是壽經平 卷之三 郝戶部爾雅義疏 庚申補刊

云朝一盜米釋文引王肅劉達袁準孔倫葛洪皆云滿手日
盜小爾雅云一手之盛謂之溢宋咸注滿一手也詩假以溢
我箋溢盈溢之言也莊子人間世篇云夫兩喜必多溢美之
言文選東京賦云規摹踰溢郭象及薛綜注竝云溢過也過
亦盈滿
意也

孔魄哉延虛無之言間也

說文云間隙也墨子經上篇云有間中也經說上云間謂夾
者也然則中有間隙據兩邊夾者而言也間有中義此注云
有間隙是也間亦有廁義下文云間代是也孔者通之間也
說文云孔通也老子云孔德之容王弼注孔空也淮南精神
篇云夫孔竅者精神之戶牖也詩如酌孔取箋以為凡器之
孔正義申之云孔取謂器中空虛受物之處通作空考工記
函人云眡其鑽空賈公彥疏以空為孔史記五帝紀云舜穿
井為匿空刃出索隱亦云空音孔矣哉者說文云言之間也
段氏玉裁曰有兩而後有間凡言哉多起下之詞或無下文
亦語於此少歇故云言之間也按哉字經典以為語已之詞
又為衍之詞是皆為有間矣虛者實之間也日中則昃月
盈則虧當其空虛是生間隙故墨子經上篇云纒間虛也經
說上云纒虛也者兩木之間謂其無木者也亦其義也無者
有之間也素問調經論云無者為虛是虛無互訓老子云三

十輻共一轂當其無有車之用埏埴以為器當其無有器之
用鑿戶牖以為室當其無有室之用是皆以無為間之義也
之者往之間也上文云之往也段氏曰之訓問者自此往彼
故有間也行文以之為上下聯屬亦其義也按文內之字如
國策云南之威莊子云麗之姬皆在當句之中者也易云
知至至之知終終之皆在當句之末者也是皆有間意也

瘞幽隱匿蔽竄微也

說文云微隱行也引左氏哀十六年傳白公其徒微之又襄
十九年傳崔杼微逆光服注微隱匿也又晉語云設微薄
而觀之韋昭注微蔽也蔽匿隱俱依爾雅為訓也微有幽隱
瘞昧之意故言之隱者曰微言行之隱者曰微行衣服之隱
者曰微服其義一也瘞者釋言云幽也釋天云祭地曰瘞瘞
說文本此二訓故曰瘞幽瘞也瘞與翳聲義同通作瘞觀禮云祭地
義故詩燕燕傳瘞瘞也瘞與翳聲義同通作瘞觀禮云祭地
瘞鄭注古文瘞作瘞幽者說文云隱也又必云微也是必與
幽同太乎乎瑩注幽謂陰也陰與隱義亦同大戴禮詰志篇
云幽幼也小爾雅云幽冥也釋言云冥幼也釋文幼本或作
窈然則窈冥幽昧皆隱微之義幽猶黝也黝訓黑黑色亦幽
闇故詩其葉有幽及玉藻幽衡毛傳鄭注俱借幽為黝矣隱
者說文云蔽也與上同說文云匿也象迟曲隱蔽形讀若隱
玉篇即以土為古文隱字隱之訓為微故史記司馬相如傳

庚申補刊

云春秋推見至隱索隱李奇曰隱猶微也通作殷詩如有隱
 憂韓詩作如有殷憂劉熊碑云勤恤民殷殷即隱也又通作
 依說文云衣依也白虎通云衣者隱也書無逸云則知小人
 之依謂知小人之隱也衣殷古同聲隱之通為依猶隱之通
 為殷也此義馬瑞辰說又聲轉為偃偃同區區匿也詩魚藻
 傳士不隱塞釋文隱本又作偃漢書古今人表徐隱王即徐
 偃王也匿者說文云也廣雅云藏也隱也左氏哀十六年
 正義引舍人曰匿藏之微也蔽者說文云蔽蔽小艸也按小
 草曰蔽蔽小葉曰蔽芾皆草木陰翳之貌也釋器云輿竹後
 謂之蔽廣雅去蔽障也又云隱也論語鄭注蔽塞也包咸注
 蔽猶當也按今人謂遮蔽為遮當讀當聲如黨矣老子云故
 能蔽不新成河上公注蔽者匿光榮也王弼注蔽覆蓋也通
 作草史記淮陰侯傳云聞道草山索隱以草為蓋覆也竄者
 說文云匿也从鼠在穴中呂覽首時篇云隱匿分竄高誘注
 竄藏也藏匿義皆為微故晉語云敏能竄謀韋昭注
 竄微也書竄 苗說文又引作竄三苗云竄塞也

說微安懷安按替戾底底尼定曷遏止也 安者坐也懷者至也
 按抑替廢皆止住也

戾底義見詩傳國語曰戾久將底孟子
 曰行或尼之今以逆相止為遏微未詳

止者足也止趾古同字十一昏禮注古文止作趾是也因止足
 而生止息之義故詩相鼠傳止所止息也鄭語注止留也王

篇云止住也蓋止之言至也故詩抑及泮水傳並云止至也
 又言節也故相鼠釋文引韓詩云止節也說者說文云止也
 禮祭統云防其邪物訖其耆欲鄭注訖猶止也穀梁傳九年
 傳母訖糴洪範五行傳禦言于訖眾訖俱訓止漢書注又云
 訖盡也竟也竟盡亦俱為止也通作迄書聲教訖于四海漢
 書魏文志作聲教迄于四海蓋迄訓至亦止矣安者下文
 與安並云坐也安坐二字俱有止義安古字作緩故士相見
 禮注古文安為緩漢書燕刺王且傳孟康注亦云安古緩字
 也說文有緩無安但緩既从安安訓安故緩亦訓安安訓止
 故安亦訓止是安緩同義亦當同聲故齊語云以勸緩誦言
 韋昭注緩止也是安緩同義亦當同聲故齊語云以勸緩誦言
 文安孫他果反郭他回反又他罪反安與緩始不同音矣懷
 者詩我之懷矣懷哉懷哉箋並云懷安也安亦止上文云懷
 至也至亦止故又訓止矣安者說文云靜也與止義近下文
 云定也定又訓止故秦策云而安其兵高誘注安止也通作
 案荀子王制篇云偃然案兵無動是案兵即安兵故勸學篇
 注安或作案是也今人施物於器曰安亦取其止而不動矣
 按者抑也說文云下也下謂手抑下之抑猶止也故詩以按
 徂旅呂覽期賢篇云衛以十人者按趙之兵毛傳及高誘注
 並云按止也通作案史記司馬相如傳云案節未舒案節即
 按節猶弭節也弭亦止矣聲轉為遏以按徂旅孟子作以遏
 徂莒詩釋文云按本又作遏是也替戾底止上文並訓待待
 是青巫罕 卷三 真六 郝戶部爾雅義疏 庚申補刊

亦止也。昔者釋言云：廢也。廢亦止。義故郭云：替廢止住也。住同。逗方言：郭注：逗，即今住字也。戾者，上文云：至也。至亦止。釋言云：疑，休戾也。疑，立，休息亦止之意。故詩亦：是戾矣。文選：引云：乃降戾爰茲鄭箋及蔡邕注：並云：戾止也。桑柔：雲漢雨無正傳：並云：戾定也。定亦止矣。底者，說文云：止，戾也。吐，賦：滯著之義，亦為止矣。底者，與底皆从氏聲。氏，訓至，至亦為止。釋言云：底，致也。致，亦為至。書：乃言底，可績。馬融注：底定也。定亦為止。詩：靡所底止。伊于胡底。傳：並云：底，至也。尼者，下文云：定也。郭注：尼者，止也。止亦定。此注引孟子：子行或尼之。今作止。或尼之大荒北經云：其所歇，所尼，即為源澤。趙岐注：及郭注：並云：尼止也。通作柅。易：繫于金柅。釋文：柅，廣雅云：止也。蜀才作尼止也。定者，說文云：安也。安，訓止。故詩：日月采薇，節南山傳：箋：並云：定止也。易者，邢疏云：後以抑止為易。通作害。經典：害，易二字，假借通用。故詩：苑柳，長發傳：並云：易，害也。又通作遏。詩：則莫我敢易。漢書：刑法志：作則莫我敢遏。遏者，說文云：微止也。一切經音義引：答頡篇云：遏，遮也。遮，迺亦所以禦止之。故書：夏王率遏眾力。史記：殷紀：作夏王率止眾力。遏又訓絕。絕亦止。義通作止。闕說文云：闕，遮離也。一切經音義一云：遏，古文闕同。又通作止。謁詩：無遏爾窮。釋文：遏，或作謁。左氏襄廿五年經云：吳子渴，公羊穀梁作吳子謁。又通作謁。周憬功勳碑云：陬隅壅藹，藹藹即壅遏也。遏，謁謁三字俱从曷得聲。

易過字通 亦其證

豫射厭也

詩曰服之無厭 豫象未詳

厭者，厭之或體也。說文云：厭，飽也。通作厭。書：萬年厭于乃德。馬融注：厭，厭也。周語注：厭，足也。厭，足與飽滿義同。詩：還釋文：厭，止也。後漢書注：厭，倦也。倦，止與厭足義亦相成。豫者，易雜卦云：豫，怠也。楚辭：惜誦篇云：行婞直而不豫。王逸注：豫，厭也。射者，數之假音也。射數二字，經典假借通用。說文云：數，厭也。引詩：服之無數。一曰：終也。解也。白虎通云：射者，終也。無射者，無厭也。易說卦云：水火不相射。釋文：射，食亦反。虞陸董姚王肅音亦云：厭也。射俱數之假借。故詩：無射于人斯。禮大傳：作無數于人斯。服之無數，禮緇衣作服之無射。爾雅釋文：射，羊石反。字又作數。同文選月賦注：引爾雅：即作數。厭也。與釋文合。

烈績業也

謂功績勳功也 謂功業也 勞也

上文云：業事也。釋名云：業，捷也。事捷，乃有功業也。烈者，諡法云：有功安民曰烈。秉德遵業曰烈。詩：烈假不瑕。無競維烈。傳：並云：烈業也。禮祭法：祭統俱功烈。連言表記，又單言烈云：后稷天下之為烈也。鄭注亦並云：烈業矣。績者，上文云：事也。詩

維禹之績傳績業也通作積荀子禮論篇云積厚者流澤廣積薄者流澤狹也揚倬注積與績同功業也漢書外戚傳注績字或作積又通作迹左氏哀元年傳復禹之績釋文績一本作迹蓋迹或作蹟蹟績俱从責聲故其字通○釋名云功攻也攻治之乃成也故下文云功成也說文云功以勞定國也通作公上文云公事也詩以秦膚公傳公功也是功公聲義同績既訓業又訓功者功業義相成故詩維禹之績傳訓績為業箋訓績為功功之與業其名異其實同耳故書庶績咸熙史記五帝紀作眾功皆與漢書律厯志作眾功皆美凡書言績者史記俱作功矣通作勛一切經音義四引聲類云勛功也十四又云績古文作勛按勛蓋績之或體耳非古文也勛者說文云能成王功也本周禮司勳王功曰勳夏官序官鄭眾注勳功也通作勛說文云勳古文勳司勳注亦云故書勳作勛又通作勳袁良碑云不問勳次又通作薰夏承碑云策薰著于王家

功績質登平明考就成也

功績皆有成詩曰質爾民人禮記曰年穀不登穀梁傳曰平者成也事有成濟也

分明亦成濟也

釋名云成盛也說文云成就也詩樛木傳同節南山及歸傳又云成平也小司徒注成猶定也定與平義相成詩猗嗟箋

成猶備也周禮司書注成猶畢也畢備之義為終故燕禮記注三成猶三終也成通作盛又通作誠並以聲為義也質者詩民之質矣虞芮質厥成質爾人民傳並云質成也曲禮云疑事毋質少儀云毋身質言語鄭注亦云質成也登平者年穀之成也古人重農貴穀穀熟曰登登者成也曲禮云年穀不登月令云蠶事既登又云農乃登麥登黍登穀之類登皆訓成五穀歲一熟為一登故漢書食貨志云進業曰登再登曰平三登曰泰平是則登平之義本據穀熟為言經典則但借為成也詩誦先登于岸登是南邦傳箋並訓登為成周禮鄉大夫及族師注亦云登成也定也遂人注登成也猶定也定亦成之訓鄉飲酒禮云羹定定即成孰之義與登同也登與升古字通升亦成也故樂記云男女無辨則亂升史記樂書作男女無別則亂登儀禮喪服云冠六升鄭注亦云升字當為登矣平者正也定也正定義俱為成穀梁宣四年及十五年昭七年傳並云平者成也公羊隱六年傳輸平猶墮成也是皆訓平為成之證也通作萃書堯典釋文引馬融本平作萃周禮車僕注故書萃作平考者諡法云考成也書五日考終命及詩序考室考攷其義並同春林隱五年經云考仲子之宮穀梁傳考者成之也楚辭離世篇注考猶終也漢書東方朔傳注考究也究與終其義亦俱為成士喪禮云考降無有近悔鄭注考究也登亦成矣通作攷周禮大宰云設其攷鄭注攷成也就者終之成也下文云就終也古微書引孝

經援神契及鉤命訣注並云就之為言成也公羊昭廿五年傳餽饗未就何休注未就未成也大行人典瑞巾車弁師及既夕禮注並以就為成

楷梗較頰庭道直也

楷梗較頰皆正直也詩既庭且碩頰道無所屈

說文云直正見也易繫辭云其動也直韓康伯注直剛正也蓋直對曲而言左氏襄七年傳正曲為直是直能正人之曲也直又對邪而言史記樂書云回邪曲直是直為邪之對也楷者禮緇衣引詩有楷德行鄭注楷大也直也通作鵠詩賓之初筵釋文鵠者覺也直也禮射義注鵠之言楷也楷直也又通作覺詩有覺其楹及有覺德行箋傳並云覺直也爾雅釋文楷古沃反郭音角是郭讀楷為覺本於毛鄭也梗者猶庚庚也庚庚堅強貌也楚辭橘頰薦云梗其有理兮王逸注梗強也強與直義近較者與楷鵠聲近義同周禮司裘及儀禮大射儀注並云鵠之言較較直也尚書大傳云覺為較兮鄭注較兮謂直道者也較與覺聲義同故楚辭遠逝篇云服覺酷以殊俗兮王逸注覺較也左氏襄廿一年傳夫子覺者也杜預注覺較然正直然則較之為言覺也頰通作脰曲禮云鮮魚曰脰祭鄭注脰直也又通作挺士虞禮云脯四脰鄭注古文脰為挺考工記弓人注挺直也左氏襄五年傳周道挺挺注亦以挺挺為正直也又與琰同玉藻注琰之言挺然

無所屈也隋書引許慎五經異義云天子笏曰挺挺直無所屈也又通作挺一切經音義十三云挺古文作頰又引通俗文云平直曰挺此皆字異而音義俱同也庭者廷之假音也後漢書郭太傳注引蒼頡篇云庭直也又引風俗通云廷正也言縣廷郡廷朝廷皆取平均正直也通作庭詩大田韓奕閔予小子傳並云庭直也陟降庭止漢書匡衡傳作陟降廷止經典廷庭通者非一其餘皆可如也

密康靜也

皆安靜也

靜見上文靜亦安也說文作靜云亭安也通作靜逸周書大匡篇云施舍靜眾孔晁注靜安也亦通作靖說文靖立靜也是靜靖音義同故書自作弗靖馬融注靖安也詩靖共爾位春秋繁露作靜共爾位漢書敘傳集注靖古靜字又通作靚文選甘泉賦注靚即靜字也密訓靜見上文康訓安見下文

豫寧紱康柔安也

皆見詩書

安者上文云止也下文云定也定止義俱為靜故一切經音義十五引蒼頡篇云安靜也說文云安宴也安也又云晏安也晏宴安也聲義同安通作晏晏从安聲也豫者豫舉古字通故文選曲水詩序注引孫子兵法日雖優游暇譽令

猶行也暇譽即暇豫矣緩者上文作安訓止亦安故下文云安隱於其眾也康者論法云康安也經典內康訓安者非一詩民勞抑及時邁絲衣傳箋並云柔安也

平均夷弟易也

皆謂易直

易者傷之假音也說文云傷輕也一日交傷通作易論語八佾篇鄭注易簡也公羊宣六年傳何休注易猶省也考工記玉人注易行去煩苛是亦簡省之意與輕易義近也詩何人斯傳易說也郊特牲注易和說也論語包咸注易和易也公羊莊十三年注易猶佼易也相親信無後患之辭通作施詩我心易也釋文易韓詩作施平者墨子經上篇云平同高也詩伐木箋平齊等也按平又訓治易亦有治義詩禾易長畝孟子易其田疇易皆訓治又平不險陂易不煩碎亦兼和平樂易之意平訓為易皆其證也通作辯詩采芣傳平平辯治也書云平秩大傳作辯秩然則辯平俱訓治易又訓治故聲義俱通矣均者說文云平徧也詩秉國之均周禮大司徒以土均之灋均皆訓平詩皇皇者華傳均調也調亦平徧和易之義也均通作鈞又通作旬其義同又與傭義同詩昊天不傭傳本釋言云傭均也釋文傭韓詩作庸庸易也是庸傭聲同韓訓為易毛訓為均其義亦同說文傭訓均直與易直之義亦近夷者德之假音也說文云德行平易也通作夷說文

夷平也文選封禪文云故軌迹夷易易遵也李善注夷易皆平也經典夷或訓平或訓易詩出車節南山桑柔召旻傳及草蟲箋並云夷平也節南山天作有客傳及後漢書注引韓詩薛君傳並云夷易也夷古音弟亦通作弟易匪夷所思釋文夷荀作弟又夷于左股釋文夷子夏本作晞亦其例也又通作雉雉亦音弟故左氏昭十七年正義引樊光服虔云雉者夷也夷平也又本草辛夷一名辛雉見文選注皆其證也弟者通作悌釋名云悌弟也經典作弟孟子作悌趙岐注悌順也和順與說易義近詩河酌傳樂以強教之弟以說安之毛以樂易釋豈弟本禮表記云凱以強教之弟以說安之故知凱訓樂弟訓易也孔子間居注亦云凱弟樂易也俱本釋詁文

矢弛也

相延

弛者施之假音也矢者上文云陳也此云弛也弛訓弓解與陳義遠說文云設施陳也設與陳義近知弛當為施也詩矢其文德傳矢施也以此可證釋文矢施如字爾雅作弛式氏反正義云矢施也謂施陳文德據此則知爾雅之弛亦當讀如施斯音義兩得矣施既通弛亦通矢故矢其文德孔子間居作弛其文德鄭注弛施也是弛即矢字假音爾雅借弛為施禮記借弛為矢其例正同矣經典弛施二字多通用詩卷阿雲漢泮水釋文並云施本又作弛周禮小宰禮記曲禮

左氏襄十八年釋文竝云弛本又作施。弛亦施之假音也。釋文顧謝本弛作施是也。詩施于孫于箋施猶易也。延也。此郭注所本。又孔子問居施于孫子注施易也。論語君子不施其親。孔注亦云施易也。荀子儒效篇云若夫充虛之相施易也。史記萬石張叔傳云劍人之所施易俱與此合。是知爾雅之弛易即施易矣。然不獨弛為施之假借。易亦移之假借也。古讀施如易。亦讀如移。詩我心易也。韓詩作我心施也。是施讀如易之證也。詩施于中谷。傳施移也。莊子人間世篇云哀樂不易施乎前。釋文引崔注亦云施移也。是施讀如移之證也。又知爾雅之施易即施移注相延。易亦即延移矣。施訓為延。故詩皇矣箋及樂記注竝云施延也。漢書衛綰傳注施讀日馳。馳延也。馳亦移也。移延猶延移也。施既訓延。亦通作延。故詩施于條枚。呂覽知分篇及後漢書黃琬傳又韓詩外傳竝作延于條枚。延施一聲之轉。然則延移即施移矣。又作倚。施說文於部云旃旃施也。又作倚施。木部云木倚施。又作倚。移考工記總有及弓人注鄭眾云弛讀為倚。移從風之移。又作旃旃。史記司馬相如傳作旃旃。從風漢書作倚。旃旃從風。廣韻四紙作猗猗。從風兒是皆施移二字之展轉相通也。古書多假借此條。矢弛注訓弛放。郭既失之。邢疏亦非。邵氏正義未能訂正。其說弛易抑又非。是唯臧氏琳經義雜記七說施弛古通。澗合雅訓今所依用。其有未備。仍復曲暢旁通用。祛未寤焉。

希寡鮮罕也 罕亦希也 鮮寡也 謂少

罕者說文本為網罟之名。經典借為希少之義。故詩叔發罕忌禮少儀云罕見。日聞名公羊桓六年傳蓋以罕書也。穀梁莊廿九年傳則功築罕傳注竝云罕希也。希者說文云稀疏也。通作希。說文無希字。而云稀。从希聲。是希有希字也。希皆訓少。呂覽原亂篇注希鮮也。寡者說文云少也。寡對衆之稱。故經典每言衆寡。孟子注王侯自稱孤寡。其義俱訓少也。鮮者匙之假音也。通作鮮。禮中庸表記大學注竝云鮮罕也。易繫辭上釋文引師說云鮮盡也。盡與罕義亦近。鮮亦當作匙。說文云匙是少也。俗作匙。通作鮮。易乾及繫辭下釋文竝云匙本亦作鮮。繫辭上釋文云鮮鄭作匙。經典匙字止此數處。餘皆作鮮。鮮又訓寡者。詩蓼莪傳及揚之水蕩箋竝云鮮寡也。論語學而篇鄭注及華嚴經音義上引國語賈注竝云鮮寡也。

酬酢侑報也 此通謂相報答不主于飲酒

玉篇云報酬也。答也。喪服小記注報猶合也。合與答聲義近。淮南天文篇注報復也。穆天子傳注報猶反也。反與復義近。樂記及祭義竝云禮有報而樂有反。是反報義同。酬者說文作醜。或作酬。通作醕。詩瓠葉傳醕道飲也。形弓箋醕猶厚也。皇清經解 卷三十三 郝戶部爾雅義疏 夷申補刊

勸也此皆主於飲酒而言也形弓云一朝疇之傳疇報也周語云酬幣宴貨吳語云剏於客前以酬客韋昭賈逵唐固注並云酬報也此皆汎言酬答不專為飲酒而言也故易繫辭云可與酬酢集解引九家注陽往為酬陰來為酢韓康伯注酬酢猶應對也又通作酬一切經音義十八引蒼頡篇云酬作酬同按酬從言故廣韻云以言答之答即報矣酢者說文作醋通作醋特牲饋食禮法古文醋作酢有司徹注今文醋曰酢二注不同廣韻引蒼頡篇云主答客曰酬客報主人曰酢蒼頡多古字是醋古文作酢也經典醋酢二字通故詩萬壽攸酢酌言酢之傳並云酢報也土虞禮及特牲饋食禮注並云醋報也是醋酢古字通之證又司几筵及司尊彝俱酢為昨注云昨讀曰酢禮少儀注又云酢或為作俱同聲假借字也醋古文作酢亦其證矣侑者說文作侑或作侑通作祐易繫辭云可與侑神對可與酬酢而言是酬酢祐其義同侑通作宥爾雅及禮器釋文並云侑本或作宥聘禮及有司徹注並云古文侑皆作宥又通作囿禮器云詔侑武方鄭注詔侑或為韶囿

毗劉暴樂也

謂樹木葉缺落猶蒙龍耳孫叔然字別為義失矣

蔭疏暴樂見詩

覲髮弗離也

謂草木之叢茸翳蒼也弗離即彌離彌離

暴樂通作爆樂詩將采其劉傳劉爆樂而爺也箋云將采之則葉爆燥而疏釋文爆本又作暴同音剝燥本又作樂或作落同音洛爾雅釋文暴本又作爆樂本又作燥桑柔正義引爾雅正作爆燥又引舍人曰毗劉爆燥之意也本枝葉稀疏不均為爆燥然則爆燥之為言猶剝落也○弗離說文引作弗離郭注弗離即彌離彌離猶蒙龍亦皆一聲之轉也弗離之為言猶紛紛史記司馬相如傳云紛紛葳蕤索隱胡廣云紛紛也是紛紛猶紛紛亂又與弗離聲轉義近也覲髮雙聲弗離疊韻亦古方俗之語取其聲不論其字者孫炎字別為義郭所以議其失矣

蠱詔貳疑也

蠱惑有貳心者皆疑也左傳曰天命不詔

說文云疑惑也又云詔未定也是疑聲義同逸周書王佩篇云時至而疑孔晁注疑猶豫不果也蠱者左氏昭元年傳淫溺惑亂之所生也於文皿蟲為蠱穀之飛亦為蠱在周易女惑男風落山謂之蠱皆同物也晉語韋昭注蠱化也化惑聲轉又紀从巳巳訓變變化與疑惑義近詔者郭引左氏哀十七年傳天命不詔又昭廿六年傳天道不詔杜預注並云詔疑也逸周書鄭謀篇去帝命不詔孔晁注詔僭也僭訓差與疑義近通作僭左氏昭廿七年傳天命不詔久矣杜注僭疑也爾雅釋文詔字或作僭又通作滔文選西京賦云天命不滔李善注滔與詔音義同左傳哀十七年釋文亦云詔本

又作滔皆聲同假借字也爾雅釋文又云滔沈勅檢反按勅檢乃滔字之音滔从召聲與滔从百聲迥別沈旋音誤矣感者晉語云不可以貳貳無成命韋昭注貳疑也通作二呂覽應言篇云令二輕臣也高誘注二疑也是二貳通

楨翰儀榦也

詩曰維周之翰儀表亦體榦

說文云榦築牆耑木也書詩乃楨榦馬融注楨榦皆築具楨在前榦在兩傍按兩邊立木所以榦正牆體故榦又訓正易榦父之蠱詩榦不庭方虞翻注及韓詩章句並云榦正也榦在兩旁象人之脅故又訓脅公羊莊元年傳擗榦而殺之釋文榦脅也又為木之枝榦故一切經音義二引三蒼云榦枝榦也通作幹亦通作翰故釋文云榦本又作幹胡旦反又作翰漢書郊祀志注亦云榦或作翰按榦本兼公且胡旦二音兩雅及費誓釋文俱備舉一音亦未備也又通作干故甲乙為榦亦書作干而音榦矣楨者書費誓傳題目楨旁曰榦正義云題謂當牆兩端者也旁謂在牆兩邊者也又引舍人曰楨正也築牆所立兩木也按楨榦對文則別散文則通楨之言貞也貞者正也正亦榦正故易文言云貞者事之榦也明楨榦其義同詩維周之楨傳楨榦也箋以為榦事之臣也翰者詩桑扈文王有聲板崧高傳並云翰榦也桑扈及費誓正義並引舍人曰翰所以當牆兩邊障上者也是舍人以翰為榦所言即榦之訓耳儀者榦之假音也說文云儀榦也王篇

云儀義奇儀倚二切史記項羽紀云烏江亭長儀船待集解應劭曰儀正也如淳曰南方人謂整船向岸曰儀文選蜀都賦云儀輕舟劉逵注南方俗謂正船迴濟處為儀然則儀亦為正正亦為榦與爾雅合矣郭氏不知儀字假借而云儀表亦體榦經典無此訓其義非也

弼棊輔比備也

書曰天威棊忱易曰比輔也備猶輔也

說文云備輔也讀若撫釋文備音輔郭方輔反字林音甫與說文合弼者上文云重也重與輔近說文亦兼輔重二義本於爾雅也書弼成五服史記夏紀作輔成五服荀子臣道篇注弼所以輔正弓弩者也是弼有拂屎之義故越語云憎輔遠弼韋昭注相導為輔矯過為弼漢書注弼戾也通作拂孝經注左輔右弼釋文弼本又作拂大戴禮係傳篇云弼者拂天子之過者也賈子作拂者拂天子之過者也荀子臣道篇注拂讀為弼又通作佛詩佛時仔忒箋佛輔也釋文佛鄭音弼又通作瑚弼成五服說文引作瑚成五服云瑚輔信也玉篇以瑚為古文弼字也棊音說文引作棊成五服云棊輔也書康誥云天威棊忱大誥云天棊忱辭又云越天棊忱漢書翟方進傳棊忱俱作輔誠通作腓詩小人所腓腓即棊也鄭箋腓當作芘然芘倚亦比輔之意牛羊腓字之亦即輔字之也又通作配春秋繁露云使一大夫立於棊林即配林也配副義亦為輔棊配

音又相近也輔者車之備也詩云其車既載乃棄爾輔又云無棄爾輔員于爾輻是輔所以助車今人縛杖於輻以防傾側此即車之輔也左氏僖五年傳輔車相依正與詩合此本義也杜預注輔頰輔服度注輔上領車也與牙相依釋名云頤或曰輔車言其骨強所以輔持口也此則輔車亦借車輔以為名耳非本義也說文引傳輔車相依又以頰車訓輔義似未安且輔在車部乃車之輔其面部別有輔字訓頰乃是頰車之輔故易咸其輔釋文輔廩作輔王篇引左傳作輔車相依云亦作輔是輔車之輔正作輔通作輔說文輔訓頰車將義取通借或文有脫畧疑不能明耳比者親之備也易象傳云比輔也詩云胡不比焉齊語云足以比成事鄭箋及韋昭注並云比輔也通作庇又作芘見詩雲漢及莊子人間世文釋

疆界邊衛圍垂也

疆場境界邊旁營衛守圍皆在外垂也左傳曰駟以圍吾圍也

說文云垂遠邊也通作垂史記司馬相如傳云坐不垂堂莊子逍遙遊篇云其翼若垂天之雲索隱及釋文並云垂邊也又通作陲說文云陲危也危有近邊之義故稱邊陲廣韻云陲邊也荀子臣道篇云邊境之臣處則疆垂不喪楊倞注垂與陲同是也疆者說文作疆或作疆云界也久畱三其界畫也周禮載師云以大都之田在疆地鄭注疆五百里王畿界

也大司徒云制其畿疆而溝洫封之鄭注疆猶界也穀梁昭元年傳疆之為言猶竟也按竟即境字經典俱以竟為境也通作疆易坤詩縣禮檀弓釋文並云疆本作壇爾雅釋文壇字又作疆經典作疆假借字按疆疆同字非假借也疆省弓即為壇又省土即為疆故詩萬壽無疆白石神君碑作萬壽無疆又通作疆賈子審微篇云放疆辟疆天子之號也疆即疆字史記越世家云越王無疆越絕書作無疆皆其證也疆與界同意俱从田田从口牛即分疆畫界之義故說文疆訓界界訓境疆界境又俱一聲之轉也邊者說文云行垂崖也崖岸亦邊垂漢書武帝紀引逸詩云親省邊垂吳語云頓頰於邊王藻云其在邊邑章昭注以邊為邊境鄭注邊邑謂九州之外然則邊之言遠也又言近也史記高祖紀云齊邊楚集解文穎曰邊近也是邊兼遠近二義邊猶頰也傍也如云頰河頰海亦云傍河傍海史記俱作並字音亦相轉是皆以邊為近也又昭十一年傳五大不在邊是皆以邊為遠也衛者周語云侯衛賓服韋昭注衛衛圻也蓋本大司馬九畿而言也衛又遠裔之名故周禮巾車云以封四衛鄭注四衛四方諸侯守衛者蠻服以內蓋衛之言猶裔也淮南原道篇注裔邊也又釋名云矢其秀內羽齊人曰衛所以導衛矢也又營衛軍兵列營為守衛亦在邊垂是衛裔聲近義同矣圍者說文云垂也詩孔棘我圍我居圍卒荒傳並云圍垂也郭引左氏隱十一年傳文杜預注及正義引舍人並云圍邊垂也詩

桑柔正義引舍人曰圍拒邊垂也孫炎曰圍國之四垂也按
圍猶宇也文選東京賦注引蒼頡篇云宇邊也易繫辭虞翻
注宇謂屋邊也詩七月釋文屋四垂為宇淮
南汜論篇注宇屋之垂然則宇圍聲義同

昌敵彊應丁當也

書曰禹拜昌言彊者好與物相當值

說文云當田相值也晉語云當之者我焉又云朱也當御章
昭注並云當值也臣敢煩當日注當日直日也直與值同昌
覽無義篇云魏使公子印將而當之貴信篇云寒暑四時當
矣高誘注並云當應也公羊莊十三年傳君請當其君臣請
當其臣何休注當猶敵也敵當一聲之轉也昌者說文云美
言也郭引書曰禹拜昌言偽孔傳及後漢書注並云昌當也
別作黨逸周書祭公篇云王拜手稽首黨言張平子碑云黨
論允諸又作讜孟子注引書作禹拜讜言書益稷釋文當丁
浪反本亦作讜當蕩反李登聲類云讜言善言也文選典引
云既感羣后之讜辭蔡邕注讜直言也荀子非相篇云博而
黨正楊倞注黨與讜同謂直言也然則讜猶當也當訓直直
亦當讜訓善與昌訓美義又同矣敵者上文云匹也匹敵亦
當對也禮少儀云敵者曰某固願見史記衛世家及左氏哀
十五年傳俱云敵子路鄭注及服虔注並云敵當也餘已見
上文敵匹下應者說文云當也又云應以言對也對亦為當
詩云應侯順德我應受之周語云以應成德淮南原道篇云

事無一不應毛傳及韋昭高誘注並云應當也通作膺詩戎狄
是膺傳膺當也史記建元以來侯者年表作戎狄是應爾雅
釋文應本或作膺是膺應通丁者與彊同義白虎通云丁者
強也釋名云丁壯也詩寧丁我躬楚辭惜賢篇云丁時逢殃
逢尤篇云思丁文兮聖明哲毛傳及王逸注並云丁當也神
農之教曰丈夫丁壯而不耕又曰婦人當年而不織丁壯即
當年也

淳肩搖動蠢迪傲厲作也

淳然興作貌蠢動作公羊傳曰傲甚也穀梁傳曰始厲樂矣肩見書迪未

詳

釋言云作為也說文云作起也詩與子偕作易云聖人作毛
傳及馬鄭注並云作起也文選兩都賦序注作興也荀子解

蔽篇注作動也詩駟傳云作始也始有創造之義故天作傳
云作生也作與途同說文云起也淳者勃之假音也玉篇

云勃卒也卒與粹然通作淳左氏莊十一年傳其興也淳焉
釋文淳一作勃又通作佛荀子非十二子篇云佛然平世之

俗起焉楊倞注佛讀為勃勃然興起貌又通作淳一切經音
義四引聲類云淳亦勃字同蒲沒反按淳疑當為郭說文云

郭郭海地一日地之起者曰郭然則起亦作也是郭為正體
勃淳俱假借淳蓋或體渤又俗體矣搖者說文云動也方言

云上也又云疾也又云遙疾行也遙與搖同古字通用皆動
作之義又與搖同說文云搖樹動也又與蹠同方言云蹠跳
也又與猶同檀弓云咏斯猶鄭注猶當為搖聲之誤也搖謂
身動搖也秦人猶搖聲相近今按猶搖同聲假借非誤也咏
斯猶猶斯舞亦為動作皆其證矣動者說文云作也楚辭抽
思篇云悲夫秋風之動容兮王逸注動搖也動又發也生也
其義皆為作也通作董見周禮大祝注蠢者下文云動也方
言云作也郭注謂動在也通作春考工記梓人云則春以功
鄭注春讀為蠢蠢作也出也禮鄉飲酒義云春之為言蠢也
是春蠢聲同蠢出聲轉尚書大傳云春出也物之出也然則
生出亦動作之義又通作蠢說文云亂也引左氏昭廿四年
傳曰王室日蠢蠢焉今作王室實蠢蠢焉杜預訓為動擾貌
是其聲義又同矣迪者抽之假音也抽蠢下文俱云動也動
作義同如迪聲同通作迪迪有軸音又通作抽方音云杼抽
作也東齊土作謂之杼未作謂之抽詩杼抽其空釋文抽音
逐本又作軸是皆字異而音同故古字又通矣倣者上文云
始也始與作義近毛詩訓作為始爾雅訓倣為作其義一也
詩有倣其城傳倣作也方言云衝倣動也動亦作也倣與馭
聲義同說文云馭氣出土也一日始也訓始既與倣同氣出
士與作起之義亦近也馭者方言云為也逸周書大武篇云
戰有六厲孔晁注厲為也為亦作也故書庶明厲翼正義引
鄭注厲作也文選高唐賦云沫潼潼而高厲李善注厲起也

漢書楊雄傳注厲奮也
奮起高亦義俱為作也

茲斯咨些已此也 俗異語

呂覽貴生篇云彼且奚以此之也高誘注此此物也老子云
吾何以知眾甫之然哉以此又云吾何以知其然哉以此河
上公注並云此今也今亦為此此亦為今互相訓也此又且
也詩匪且有且傳且此也此與且古音相轉也茲者書云茲
攸俟又云越茲麗刑鄭注並云茲此也廣雅云茲今也茲訓
今與此訓今義亦同呂覽在地篇云今茲美禾高誘注茲年
也蓋亦緣詞生訓實則今茲即今此也斯者坊記引書斯謀
斯猷春秋繁露竹林篇作此謀此猷詩明斯畏忌漢書賈山
傳作胡此畏忌又匪今斯今箋亦以斯今為此今矣咨者與
茲音近魏孔美碑云咨可謂命世大聖千載之師表者已咨
即茲也又咨嗟之咨說文作咨从口茲聲亦其證也些通作
些一切經音義二及六並云些古文些歟二形爾雅釋文些
郭音些引廣雅云些辭也是郭以些為些蓋本楚辭或讀些
為蘇箇切非矣已者戴氏震引莊子云已而為知者已而不
知其然當
解已為此

嗟咨嗟也 今河北人云
嗟嘆音免置

玉篇云嗟憂歎也廣韻云嗟長歎釋文云嗟本或作駮引字
 林云皆古嗟字太孚曹云時嗟嗟范望注嗟嗟長歎也通作
 嗟詩臣工傳嗟嗟勅之也列祖箋重言嗟嗟美歎之深又海
 外東經云嗟丘一曰嗟丘廣韻作駮丘皆古字通之證也嗟
 者善之或體也說文云嗝容也玉篇作嗝同通作嗝釋名云
 嗝佐也言之不足以盡意故發此聲以自佐也文選吳都賦
 注引爾雅舊注云嗝楚人發語端也按嗝白發端非必楚語
 又通作嗝易大畜才嗝釋文嗝荀本作嗝詩穀旦于嗝釋文
 差韓詩作嗝蓋詩之于嗝俱歎詞也容者詩文王曰容傳容
 嗝也書容四岳史記五帝紀作嗝四嶽論語容爾舜皇侃疏
 亦云容容嗝也又通作嗝逸周書太子晉篇云莫有怨嗝孔
 晁注嗝嘆恨也又通作嗝資太孚樂云則哭泣之嗝資范望注
 嗝資憂哀之貌也然則嗝資即嗝容怨嗝亦即怨容俱古字
 通矣禮緇衣引君雅曰夏日暑雨小民惟曰怨資冬祈寒小
 民亦惟曰怨鄭注資當為至按鄭以資屬下句故讀為至實
 則怨資相屬即怨容也下惟曰怨無資字句意已足古書文
 字不拘何必斤斤相比對也

閑狎串貫習也

串厭串貫貫伏也今俗語皆然

說文云習數飛也呂覽審已篇注習學也玉篇云習串也漢
 書注習狎也按易重坎曰習坎故習訓重也因而重之故又

訓因也通作襲襲亦重也因而也周禮胥注故書襲為習文選
 齊竟陵文宣王行狀云龜謀襲吉李善注襲與習通皆其證
 也閑者易曰閑輿衛釋文引馬鄭云閑習也詩四馬既閑既
 閑且馳傳箋竝云閑習也鄉射禮記注引尚書傳曰戰鬪不
 可不習故於蒐狩以閑之也閑之者貫之也貫之者習之也
 通作間文選東京賦云既信且間詩六月篇間作閑十畝之
 間釋文間本亦作閑狎者說文云犬可習也曲禮云賢者狎
 而敬之周語云未狎君政晉語去陽人未狎君德鄭注及韋
 昭注竝云狎習也通作甲詩能不我甲釋文甲韓詩作狎書
 因甲于內亂正義引鄭王皆以甲為狎釋言云甲狎也是諸
 義所本一切經音義下四云狎古文庸狎二形是狎狎又通
 矣串者患與翫之假音也玉篇廣韻皆俱古患切則與貫同
 釋文引沈謝音亦同郭音五患反則與翫同說文云翫習狀
 也引左氏昭元年傳翫歲而翫日又傷五年傳寇不可翫文
 選東京賦云目翫阿房杜預及綜注竝云翫習也通作玩
 玩弄與狎習義近故文選詩杜預及綜注竝云翫習也通作玩
 文云玩貪也引春秋傳曰玩歲而愒日是皆郭義所本也作
 串者串古音患又通作患詩串夷載路傳串習也箋串夷即
 混夷西戎國名也釋文串一本作患或云鄭音患正義亦云
 串詩本為患然則患乃本字串即患字之省故一切經音義
 九及十七八竝引舍人云串心之習也據此知爾雅古本串
 正作患矣貫者遺與損之假音也說文遺貫竝云習也損字

下引左氏昭廿六年傳曰貫瀆鬼神通作貫詩六月正義引
書傳云貫之何習之詩射則貫兮魯語云晝而講貫孟子云
我不貫與小人乘鄭箋及韋昭趙岐注並云貫習也又通作
慣釋文慣本又作貫又作還同古患反又通作宦詩三歲貫
女漢石經作三歲宦女又通作串荀子大畧篇云國法禁拾
遺惡民之串以無分得也楊倞注串工患反是串即貫字也
郭云貫快也者釋文快音逝又時設反引張揖雜字音曳云
狂快過度按說文去快音也外曳聲與張揖音同拽即快也
曩塵佇淹留久也塵垢佇企淹
滯皆稽久

墨子經上篇云久彌異時也玉篇云久遠也長也公羊莊八
年傳為久也何休注為久稽留之辭孟子注久留也文選歸
田賦注久滯也按久之言舊也故詩告爾舊止箋舊久也久
舊亦通故書舊勞于外史記魯世家作久勞于外舊為小人
作久為小人矣曩者釋言云曩也說文云曩不久也今按對
遠日言則曩為不久對今日言則曩又為久故廣雅云曩久
也鄉也鄉與曩同列子黃帝篇云曩吾以汝為達張湛注曩
昔也昔亦久也聲轉作乃漢書曹參傳云乃者我使諫君也
集注乃者猶言曩者是曩乃聲之轉其義則同耳塵者陳之
假音也詩我取其陳傳尊者食新農夫食陳是陳有久義史
記平準書云於是大農陳集解韋昭云陳久也素問鍼解云
苑陳則除之者奇病論云治之以蘭除陳氣也王冰注並云

陳久也通作塵文選思乎賦云允塵邈而難虧舊注塵久也
書失于政陳于茲傳訓陳為久正義引釋詁文而云古者塵
陳同又引孫炎曰塵居之久也久則生塵矣此妄說也郭本
孫義以塵垢為訓亦又失之塵陳以聲為義耳非塵垢塵居
之謂也又通作填詩倉兄填兮傳填久也孔填不寧箋亦以
填為久矣又轉為烝釋言云烝塵也詩烝在桑野箋以為久
處桑野烝也無戎箋亦云久今登萊間人謂時之久者或曰
烝日或曰鎮日或曰塵日謂年亦曰烝年鎮年塵年鎮與填
亦古字通其義又俱為塵矣佇者宁之假音也說文云宁辨
積物也文選遊天台賦注宁猶積也佇與宁同按宁與貯
同說文云貯積也史記平準書索隱引字林云貯塵也塵積
義俱為久也通作佇詩佇立以法傳佇立久立也漢書敘傳
佇盤桓而且俟張晏注佇久也又通作佇文選幽通賦作佇
盤桓而且俟曹大家注佇立也非也楚辭大司命之延佇作
立旁踟離騷之延佇作人旁佇而注俱訓立亦非也佇訓久
不訓立毛傳甚明是皆望文生義耳又楚辭怨上篇云佇立
兮切怛王逸注佇停也停亦積久之義也淹者方言云敗也
水微為淹按水微謂漸漬之與漚同意故說文云漚久漬也
禮儒行云淹之以樂好楚辭離世篇云淹芳芷於腐井兮淹
皆訓漬漬有久義故又訓久公羊宣十二年傳王師淹病矣
晉語云振廢淹離騷云日月忽其不淹兮注並云淹久也通
作奄詩奄觀銜艾箋奄久也是鄭讀奄為淹也留者說文云

星清經解 卷三 郝戶部爾雅義疏 庚申補刊

止也是止之久也故儒行云悉數之乃留鄭注留久也楚辭湘君篇云蹇誰留兮中洲王逸注留待也逸周書武順篇注留遲也吳語云一日惕一日留章昭注留徐也徐遲待又皆與久義相成也

逮及暨與也

公羊傳曰會及暨皆與也逮亦及也

說文云與黨與也檀弓論語鄭注並云與及也公羊注與并也漢書注與偕也偕與并其義亦俱近及也逮者說文云唐逮及也經典逮俱訓及通作逮說文云逮及也釋言云逮及也亦與也又通作逮合石經公羊殘碑云祖之所選聞州輔碑云選事和熹后孝安帝劉寬碑云未選誅討陳球後碑云選完徂齊俱以選為逮也釋言云逮選也選逮古聲義同也及者說文云逮也逮亦與故公羊隱元年傳及者何與也會及暨皆與也及猶汲汲也廣雅云及連也荀子儒效篇注及繼也繼與連其義亦皆近與也暨者泉之假音也說文云泉眾與詞也引書田泉咎繇又淮夷蠙珠暨魚史記夏紀及漢書地理志暨俱作泉湖南暨地理志亦作泉通作暨春秋經之暨公羊傳云會及暨皆與也暨猶暨暨也然則暨亦及也暨暨亦汲汲也又通作洎書爰洎小人鄭注洎與也莊子寓言篇云後仕三千鍾不洎文選東京賦云于斯胥洎又云澤洎幽荒郭象及辭綜注並云洎及也又通作暨土喪禮注引喪大記云塗不暨于棺釋文暨劉本作暨

騰假格陟躋登陞也

方言曰魯衛之間曰騰梁益曰格禮記曰天王登遐公羊傳曰躋者何陞也

陞者玉篇云上也進也與升同釋畜云善陞廡方言云未陞天龍謂之蟠龍並以此陞為上也經典俱作升升登也亦與登通見儀禮喪服注易升釋文引序卦云升上也馬云高也詩天保傳升出也出與高亦登上之義也通作昇易釋文升鄭本作昇集解引鄭注云昇上也坤地異木本生地中日長而上故謂之昇昇進益之象也按昇與陞並從俗作經典罕用騰者牡馬之名見於釋畜又訓陞者牡馬善騰騰乘也乘亦升也故書惟天陰騰下民釋文引馬融注騰升也升猶舉也通作邛方言云邛邛登也魯衛曰邛邛升也升猶舉也文騰之實反又音陟說文亦云騰從陟聲矣假者說文假假並云至也又訓陞者陞至義近至也故邛邛訓登又訓至假亦訓至又訓陞矣漢書王莽傳注假至也升也淮南齊俗篇云其不能乘雲升假亦明矣高誘注假上也上亦升也郭讀假為遐故引曲禮曰天上登遐今作登假假遐古音同也格者格之假音也方言云格至也又云登也郭注格古格字通作格書曰庶有格命鄭注格登也登命謂壽考者釋天云太歲在寅曰攝提格李巡注格起也起亦升也釋訓云格格舉也舉亦升也又通作假詩昭假無贏湯孫奏假來假來享釋文並云假音格箋並云假升也古書格多作假故書格于上下說文人部作假于上下祖考來格後漢書章帝紀作

祖考來假惟先格王漢書成帝紀作惟先假王格人元龜史
記殷紀作假人元龜格于皇天格于上帝史記燕世家格俱
作假經典所以格多作假者假格聲同故士冠禮注今文格
為嘏嘏假聲同又方言云邠唐冀兗之間曰假或曰格皆其
證矣陟者說文云登也玉篇云高也升也詩卷耳公劉傳箋
陟俱訓升車羣皇矣箋陟俱訓登登升一耳故書女陟帝位
史記五帝紀作女登帝位矣陟聲近德說文云德升也玉篇
云德福升也周禮木十云三曰成陟鄭注陟之言得也讀如
王德翟人之德是德陟聲義同又與騫同集韻云陟或作騫
釋文騫又音陟是陟騫又通矣騫者說文云登也引商書曰
子顛騫詩兼跋斯干長發傳並云騫升也通作騫詩蝦蟇候
人傳俱以騫為升士虞禮記注亦云騫升也春秋文二年經
云騫僖公大宗伯注作騫僖公又通作騫詩聖敬日騫孔子
間居作聖敬日齊至于湯齊鄭注詩讀湯齊為湯騫樂記云
地氣上齊鄭注齊讀為騫士虞禮記注今文騫為齊又通作
資周禮賦祿云九日騫鄭注故書騫作資易得其資斧釋文
引子夏傳及眾家並作齊斧是齊資又通矣登者上文云成
也成義近升故經典登字俱兼成也升也二義左氏隱五年
傳不登於器服虔注訓登為成又云不登於俎服注訓登為
升周禮羊人云登其首鄭注登升也曲禮云年穀不登鄭注
又云登成也是成升其義近又月令登麥登黍鄭注並云登
進也周禮司民登民數考工記斲人登馬力鄭注並云登上

也晉語云不衰年之不登韋昭注登高也高上進其義亦俱
為升也登通作升已見上文登成下又左氏僖廿一年釋文
登陞本亦作升
陞亦其證也

揮盃歇涸竭也

月令曰無漉陂池國語曰水涸而
成梁揮振去水亦為竭歇通語

竭者渴之假音也說文云渴盡也廣韻十七薛傑紐下云渴
渠列切水盡也周禮草人云凡糞種渴澤用鹿鄭注渴澤故
水處也賈公彥疏故時停水今乃渴也釋文渴其列反是渴
讀為竭爾雅釋文亦云渴音竭本或作渴是經典用渴字唯
爾雅及周禮兩見今爾雅已非陸本之舊經典又借渴為飢
渴之字於是渴字音義唯見於周禮矣通作渴禮大傳云人
道竭矣周語云昔伊洛竭而夏亡鄭注及韋昭注並云渴盡
也其餘經典亦俱作渴而渴不復用矣揮者說文云奮也奮
猶振也考工記疏氏云而揮之謂振去之也曲禮云飲玉爵
者弗揮釋文引何承天云振去餘酒曰揮齊策云揮汗成兩
高誘注揮振也易六爻發揮釋文引王肅王虞並云揮散也
晉語注揮灑也灑散與竭盡義相成也盃者漉之假音也說
文云漉浚也廣雅云漉滲也說文滲下漉也按滲漉亦言滲
漉然則漉之言漏也水澤漏下故為竭盡也郭引月令云毋
漉陂池與毋竭川澤句對知漉亦為竭方言云滲涸也廣雅云
義亦為竭竭極聲又相轉也通作盃方言云盃涸也廣雅刊

郭云郭爾雅義疏

庚申補刊

盜盡也。盜與淥同。說文淥即漉之。重文。又通作盞。盞即盞之。省文也。考工記。幌氏云。清其灰而盞之。鄭注於灰澄而出盞。盞之鄭意。蓋謂澄出其水為盞。而後晞乾之。故廣韻云。盞去水也。竭也。或作漉。然則漉借為盞。明矣。歇者。說文云。息也。接息。休息也。人倦極則休息。聲轉為戲。泄故方言云。戲。藉泄。歇也。楚謂之戲。泄。又轉為歇。泄。故說文云。歇。一日。氣越泄。方言。注歇。泄。氣。廣雅云。歇。泄。也。俱與說文合。今俗語亦謂歇息為歇。泄也。泄。說文作灑。灑。云。除去也。除去即竭。盡之義。左氏宣十二年傳。憂未歇也。杜預注。歇。盡也。方言云。歇。涸也。郭注。謂渴也。渴。即竭。字矣。涸者。說文云。渴也。讀若狐。獬之。獬。月令及呂覽。仲秋紀。並云。水始涸。周語云。夫根見而水涸。涸皆訓竭。廣雅云。涸。盡也。淮南主術篇云。不涸澤而漁。高誘注。涸。澤。漉池也。本經篇云。竭。澤而漁。高誘注。竭。澤。漉池也。漏。漉聲之轉。

拒拭刷清也

振訊枝拭掃刷皆所以為潔清

說文云。清。服也。澂。水之兒。考工記。幌氏注。清。澄也。澄。說文作澂。云。清也。是清澂互訓。其義同。清。又靜也。淨也。淨。說文作灑。云。無垢。歲也。通作靖。書云。自靖。釋文。靖。馬本作清。謂絜也。又通作靜。書直哉。惟清。史記。五帝紀。作直哉。惟靜。潔。禮經。解云。絜。靜。精。微。史記。萬石。張叔傳。云。期為不絜。清。絜。清。即絜。靜也。拒者。喪大記云。拒用浴衣。鄭注。拒。拭也。士喪禮云。拒用巾。鄭

注。拒。勝也。清也。古文拒。皆作振。一切經音義。七云。振。古文宸。拒。二形。是拒。振。通。故曲禮云。振。書。端。書。於。君。前。有。誅。鄭。注。振。去。塵。也。去。塵。即。潔。清。之。意。故。郭。以。振。訊。為。拒。得。其。義。與。聲。矣。今。人。謂。去。濁。取。清。曰。振。蓋。亦。以。振。為。拒。耳。拭。者。飾。之。假。音。也。說。文。云。飾。也。讀。若。式。廣。韻。云。拭。刷。也。釋。名。云。飾。拭。也。物。穢。者。拭。其。上。使。明。由。他。物。而。後。明。猶。加。文。於。質。上。也。是。拭。飾。聲。義。同。經。典。俱。作。拭。聘。禮。云。賈。人。北。面。坐。拭。圭。鄭。注。拭。清。也。禮。雜。記。云。雍。人。拭。羊。鄭。注。拭。靜。也。靜。即。淨。淨。亦。清。矣。刷。者。刷。之。假。音。也。假。音。也。釋。文。刷。字。又。作。刷。所。劣。反。說。文。云。刷。飾。也。通。作。刷。說。文。云。刷。刮。也。禮。有。刷。市。周。禮。凌。人。秋。刷。鄭。注。刷。清。也。詩。七。月。釋。文。引。三。蒼。云。刷。掃。也。掃。除。亦。所。以。為。潔。清。文。選。魏。都。賦。云。洗。兵。海。島。刷。馬。江。洲。洗。刷。俱。潔。清。之。意。張。載。注。刷。小。嘗。也。李。善。注。刷。猶。飲。也。並。非。

鴻昏於顯間代也

鴻。鴈。知。運。代。昏。主。代。明。明。亦。代。昏。顯。即。明。也。間。備。亦。相。代。於。義。未。詳。

說文云。代。更也。按。代。之。為。言。遞。也。迭。也。說。文。云。遞。更。易。也。迭。更。迭。也。迭。遞。代。俱。一。聲。之。轉。代。又。易。也。方。言。云。皆。南。楚。江。湘。之。間。代。語。也。郭。注。凡。以。異。語。相。易。謂。之。代。也。代。與。忒。同。說。文。云。忒。更。也。又。與。忒。同。云。忒。失。常。也。按。忒。代。俱。从。弋。聲。古。讀。代。與。忒。聲。近。義。同。又。與。賁。同。故。書。洪。範。云。衍。忒。史。記。宋。世。家。作。衍。賁。月。令。云。宿。離。不。貸。又。云。無。或。差。貸。貸。皆。讀。忒。此。又。音。皇。青。經。解。卷。五。五。六。郝。戶。部。爾。雅。義。疏。庚。申。補。刊。

近字通矣鴻通作洪書乃洪大詰治正義引鄭注以洪為代
言周公代成王誥也是鴻訓代之證於通作于孟子萬章篇
引古書之言曰惟茲臣庶女其于予治言汝其代予治之也
趙岐注以于為助不若以于為代合於雅訓也此義本之郇
氏晉涵正義所說問者書益稷正義引孫炎曰問廁之代也
詩皇以問之鄉飲酒禮及燕禮俱云乃問歌魚麗毛鄭並云
問代也

饁饗饋也 國語曰其妻饁之

說文云饋餉也檀弓及坊記注並云饋遺也士虞禮注饋猶
歸也周禮膳夫注進物於尊者曰饋按此注似非饋遺通各
耳故玉府注古者致物於人尊之則曰獻通行曰饋此說是
矣通作餽說文云吳人謂祭曰餽是餽饋異經典則通故中
山策云飲食餽餽高誘注吳謂食為餽祭鬼亦為餽古文通
用讀與饋同爾雅釋文饋本或作餽又通作歸論語云詠而
歸釋文歸鄭本作饋饋酒食也魯讀饋為歸今從古陽貨及
微子篇釋文並同又詠而歸論衡明雩篇正作詠而饋檀弓
云饋祥肉士虞禮記注作歸祥肉矣饋者說文云餉田也引
詩饋彼南畝傳饁饋也有噴其饁箋饋饋饗也正義引孫炎
曰饋野之饋也晉語韋昭注野饋曰饋饗者說文云周人謂
餉曰饗蓋本周頌其饗伊黍而言也漢書食貨志及後漢書

章帝紀注並云饗古餉字玉篇餉式亮切饗式尚式章二切
是饗餉聲義同又借作攘詩攘其左右箋攘讀當為饗正義
引舍人曰饗
自家之野也

遷運徙也 今江東通言遷徙

說文云徙遠也遂遷徙也徙徙遠移並聲義同故華嚴經音
義下引蒼頡篇云徙移也荀子成相篇注徙遷也遷者說文
云登也詩蒼伯傳去也去亦為徙故岷及賓之初筵殷武傳
竝云遷徙也齊語及晉語注並云遷移也移即徙也文選西
京賦注又云遷易也易即移也通作僊袁良碑云僊脩城之
鄒魏元不碑云有畢萬者僊去在晉尹宙碑云支判流僊竝
以僊為遷也運者說文云遂徙也逸周書史記篇云民運於
下孔晁注運亂移也莊子逍遙遊篇云是鳥也海運釋文引
簡文云運徙也司馬云運轉也淮南天文篇注運旋也旋轉
俱移徙之義方言云日運為躔月運為遠郭注運猶行也行
與遷義亦近
古文遷作廼

秉拱執也 兩手持為拱

執說文作執云捕辜人也詩執競箋執持也夏小正傳執猶
也曲禮云執爾顏鄭注執猶守也周禮校人執駒鄭注執猶

皇青經解 卷五 郝戶部爾雅義疏 庚申補刊

歛熙興也

書曰庶績咸熙歛見周官

拘也拘守與操持義近秉者說文云禾束也从又持禾是有執持之義詩之秉簡秉心秉彜韓詩及鄭箋竝云秉執也禮運天秉陽注秉猶持也詩定之方中傳秉操也大田傳秉把也把亦持也持亦執也拱者說文云斂手也書序云亳有祥彘穀共生于朝正義引書大傳云七日大拱鄭注兩手楹之日拱公羊僖卅三年傳家上之木拱矣何休注拱可以手對抱按對抱卽合抱故穀梁傳注拱合抱也孟子趙岐注拱合兩手也郭云兩手持爲拱與說文拱訓斂手其義同也通作共詩克共明刑虔共爾位傳竝云共執也受小共大共箋亦同鄉飲酒禮云還共論語云眾星共之鄭注竝云共拱手也釋文共鄭作拱詩氓箋云以自拱持釋文拱本又作共

釋言云興起也

起與喜義近書云股肱喜哉元首起哉百工熙哉檀弓云人喜則斯陶陶斯咏咏斯猶當爲搖謂身體動搖也然則興起又爲興喜義可知矣興與興同說又云興說也經典俱通作興與有二音釋文興如字又許應反按如字者詩興迷亂于政箋興猶尊尚也許應反者讀如興會之興謂情興所會也故學記注興之言喜也歆也正義引爾雅云歆喜興也又曾子問及士虞禮記聲三注竝以聲爲噫歆也既夕禮聲三注又引舊說以爲聲噫興也詩噫嘻成王又

以爲噫嘻也是興喜歆俱

以聲轉爲義歆許金反卽歆字之音歆熙俱假借之字學記止義引作歆喜是矣歆者歆之假音也說文歆讀若歆歆木訓神食氣因而引伸爲喜楚語云楚必歆之章昭注歆猶貪也貪與喜義近歆與淫聲又近故

樂記云聲淫及商鄭注以爲貪商周禮歆故書皆爲淫淫有浸淫經久之義故鄭眾讀注爲歆其訓爲陳亦其義也周禮司裘司服大司樂大師笙師典庸器中車司兵圍人俱言歆後鄭不從先鄭注皆以歆爲興本於爾雅也但爾雅之歆與

爲興喜周禮之歆與爲興義各有當爲用不同若能觀其會通則亦無不同耳熙者嬰之假音也說文嬰說樂也左氏

襄十年釋文嬰本亦作熙是熙嬰通又通作熙說文熙說樂也左氏省作熙方言云紛怡喜也湘潭之開曰紛怡或曰熙已

是熙熙通詩時純熙矣箋熙興也書庶績咸熙史記五帝紀作眾功皆興文選劇奏美新作庶績咸喜李善注喜與熙古

字通又通作嬉論語摘輔象云隕正受延嬉注云嬉興也又通作嬉易家人釋文嬉嘻馬去策聲鄭云驕佚喜笑之意張

作嬉嬉陸作喜喜然則嬉亦喜也喜亦興也今人謂時所喜好爲時興謂人所歡喜爲高興斯言竝有合於古矣或說歆

熙非假借字歆陳也是陳之興也熙廣也是廣之興也興卽興作興起古無訓興爲喜者宜從古

籀厥假嘉也詩序曰假樂嘉成王也餘未詳

廢稅赦舍也

詩曰召伯所稅舍放置

上文云嘉善也美也美善義同通作賀觀禮云子一人嘉之
 鄭注嘉之者美之辭也今文嘉作賀按今東齊里語美辭亦
 曰嘉賀蓋古之遺言也嘉賀俱以加聲古讀嘉如柯音轉為
 何何賀音同故嘉賀通矣假者詩假樂君子假以溢我假哉
 皇考傳竝云假嘉也釋文假俱音暇爾雅釋文假戶嫁反則
 亦音暇詩皇矣箋天須假此二國釋文假本又作暇昭假遲
 遲箋亦讀假為暇是假有暇音遐古讀如胡音轉為何故詩
 假以溢我左氏襄廿七年傳作何以恤我何又音轉為誡說
 文引詩誡以溢我云誡嘉善也是誡與假音轉義同假本讀
 如古轉為遐又轉為何為誡然則誡何亦遐遐亦假假亦嘉
 矣假之轉為遐亦猶嘉之轉為賀故
 詩假樂君子中庸引作嘉樂君子矣

舍有二義亦有二音詩夜切者釋名云舍於中舍息也息即
 止息故周禮司戈盾注舍止也漢書高帝紀注舍息也後漢

馮異傳注舍止息也詩羔裘箋舍猶處也是皆以止息為義
 也其音書治切者舍即捨之假借說文云捨釋也釋解也經

典捨俱作舍故詩行葦箋及周禮司園注舍俱訓釋舍釋雙
 聲古字通用鄉飲酒禮及大射儀注竝云古文釋為舍楚語

注舍去也詩兩無正傳舍除也左昭四年傳注舍置也是皆
 以捨釋為義也爾雅之舍亦兼二音二義釋文唯主一音於

義疎矣廢者屋之舍也說文廢也也頓也蓋屋傾頓則人不居
 故其義為舍又云廢固病也病頓義近故釋文廢字亦作廢

同甫穢反是廢廢通周禮大宰廢置以馭其吏鄭注廢猶退
 也又廢以馭其罪鄭注廢猶放也放退其義同詩楚茨箋及

禮檀弓喪大記注竝云廢去也小爾雅及廣雅竝云廢置也
 置去義亦同公羊宣八年傳去其有聲者廢其無聲者何休

注廢置也置者不去也以不去為廢者廢訓為舍置而不用
 亦與去同是去為舍不去亦為舍也又廢亦有止息之義故

表記云中道而廢鄭注廢喻力極罷頓不能復行則止也然
 則廢又為止之舍矣廢與發通方言云發稅舍車也以舍車

為發發即廢也莊子列禦寇篇云曾不發藥乎列子黃帝篇
 作曾不廢藥乎是廢發古字通發之與廢義若相反而實相

成晉書潘岳傳云發稱寫鞍皆有所憩此借寫為卸也說文
 卸舍車解馬也以舍車為發其義與方言正合矣稅者車之

舍也方言以舍車為稅郭注稅猶脫也是以解脫為義脫乃
 稅之假音說文稅解稅也經典稅俱作脫而又通借作稅禮

文王世子云不稅冠帶少儀云車則稅緩又少儀注降稅履
 投壺注既稅屨釋文竝云稅本作脫文選陸機招隱詩注脫

與稅古字通是也又通作說凡禮記中稅字釋文竝云稅本
 作說檀弓云不說齊衰玉藻云無說笏及詩召伯所說說于

農郊之說釋文竝云說本作稅鄉射禮注今文說皆作稅是
 稅說通周禮典路鄭眾注說猶舍車也是皆以舍釋為義也

詩甘棠傳說舍也蜉蝣箋說猶舍息也是皆以舍止為義也
凡說稅字通者每多與脫同音釋文亦兼始銳他活二反故
詩瞻印釋文說音稅一音他活反是也爾雅釋文唯舉始銳
一音於義蓋未備矣赦者置之舍也說文云赦置也置亦舍
故一切經音義五引三蒼云赦舍也周禮司刺注同公羊昭
十八年傳云赦止者免止之罪辭也赦與舍音義同說與赦
音相轉凡音同音轉之字古人多以為訓即六書中轉注假
借之所由生故詩彼宜有罪女覆說之傳云說赦也赦即舍
說即稅稅
亦舍矣

棲遲憩休苦歛歙咽息也
棲遲遊息也苦勞者宜止息憩見詩
歛歙咽皆氣息貌今東齊呼息為咽
也

說文云息喘也詩殷其雷葛生蜉蝣民勞傳並云息止也小
明傳息猶處也方言云息歸也歸處與止息義近檀弓注息
猶安也樂記注息猶休止也棲者說文作局或作棲云鳥在
巢上象形日在西方而鳥棲故因以為東西之西是棲以止
息安息為義也詩如彼棲苴釋文棲謂棲息也賓之初筵箋
舉鷓而棲之於侯釋文棲著也著亦止也廣雅云棲歧也歧
者度閣之名與止處之義又近也遲者詩可以棲遲傳棲遲
遊息也正義引舍人日棲遲行步之息也郭注本毛傳後漢

書蘇竟傳注棲遲偃息也偃息與遊息亦同棲遲字之疊韻
或作西遲嚴發碑云西遲衡門西即棲也亦作犀遲說文尸
部犀字解云犀遲也又作迟迟甘泉賦云靈迟迟兮說文以
迟為遲之或體迟迟即棲遲也憩者惕之或體也說文云惕
息也詩不尚惕焉汔可小惕傳並云惕息也爾雅釋文憩本
或作惕此必晉宋古本也通作揭詩甘棠釋文憩本又作揭
又通作偃甘泉賦云度三巒兮偃棠黎李善注引韋昭曰偃
息也又通作憩一切經音義廿五引蒼頡篇惕作憩其一又
引蒼頡篇憩作屍二文不同憩近俗體蒼頡不應有此屍玉
篇作屍亦近譌俗唯說文尸部云屍臥息也此為正體但經
典罕用今唯用憩字故詩甘棠傳云憩息也一切經音義二
引爾雅舊注云憩止之息也其十九引舍人云憩臥之息也
按臥息義與說文合豈舍人本憩字作屍然無可攷矣休者
說文云息止也从人依木或从广作麻詩瞻印傳休息也民
勞箋休止息也又釋言云休展也民勞傳休定也穆天子傳
注休駐也駐定展其義亦皆為止息也苦通作監周禮鹽人
及典婦功注杜子春鄭眾並云苦讀為監是監苦通詩王事
靡盬監即苦之假借靡盬言靡有止息耳傳箋似失之又與
颺同廣雅云颺息也郭云苦勞者宜止息殆未了其義與聲
耳颺者喟之假音也說文喟或作噴云大息也楚辭懷沙篇
云永歎喟兮王逸注喟息也文選舞賦云噴息激昂李善注
噴與喟同通作歛釋文歛字林以為喟又作噴墟愧苦怪二

反一切經音義七云喟又作呶又通作快釋文呶孫本作快
齾者說文云臥息也从隶聲讀若虺玉篇云齾鼻息也呼介
切釋文齾郭施謝海拜反則讀與玉篇同孫虛貴反顧乎破
反則音與說文近然二音又即一聲之轉齾與齾聲近玉篇
云齾烏快切喘息也又聲轉為喟方言云喟息也自關而西
秦晉之間或曰喟莊子徐无鬼篇釋文亦云喟息也喟者說
文云東夷謂息為喟方言云喟息
反息也東齊曰喟是郭此注所本

供峙其具也

皆謂備具

說文云具其置也廣雅云具備也土相見及特牲饋食禮注
具猶辯也蓋辯訓治治即供備之意廣韻云具辨也辨即辯
之俗體字也供者說文云設也一日供給周語云事之供給
韋昭注供具也具給聲轉故或言供給或言供具又設者陳
設亦供具之義故或言設食或言具食矣峙者待之假音也
說文云待待也又云儲待也是待亦儲也謂儲具以待人用
也周語云待而春榻韋昭注待具也文選羽獵賦云儲積其
待李善注引郭舍人爾雅注曰其具物也待具事也按宋翔
鳳言郭舍人即與東方朔為射覆者其說是也據選注所引
則知舍人爾雅本峙蓋作待矣通作峙書峙乃楨翰又通作
峙詩峙乃錢鏹傳峙具也考工記總目注作待乃錢鏹是待
峙通又通作峙玉篇云峙或作峙峙一切經音義十二云待

古文作峙峙峙三形又通作峙音義一引字詁云古文峙今
作峙同直耳反後漢書章帝紀及陳忠傳注並云峙具也西
京賦注峙猶置也置亦具之訓也其者龔之假借也說文龔
給也玉篇龔奉也今亦作供是供龔通省作其舍人注云其
具物也詩靖其爾位魯語不其有法鄭箋及韋昭注並云其
具也周禮羊人共其羊牲左氏隱十一年傳不能其德注並
云其給也給亦具也通作供詩關雎箋共苻菜曲禮云其給
鬼神左氏隱九年傳不其王職釋文並云其本或作供凡經
傳供其通者非
一餘皆可也

慄憐惠愛也

慄韓鄭語今江東通呼為憐

愛者恣之假借也說文云恣惠也古文作慄通作愛廣雅云
愛仁也通作哀樂記云肆直而恣愛者宜歌商鄭注愛或為
哀呂覽報更篇云人主胡可以不務哀士高誘注哀愛也是
愛哀聲義同哀憐亦慈愛之意也憐者方言云憐也說文云
撫也撫循義亦為愛通作撫釋言云撫撫也方言云愛也韓
鄭曰撫說文本方言釋文云憐亡矩反又音無按無古讀如
模說文憐从某聲讀若儻是憐撫聲義同古字通用方言又
云撫哀也哀亦愛又云牟愛也牟亦憐也憐牟又聲之轉矣
憐者說文云哀也方言云愛也又云憐通語也按以哀愛為
憐古今方俗通語今登州人謂相閔念曰憐憐憐讀憐為

蘭蘭憐語有輕重實一聲也方言又云悽哀也郭注悽亦憐耳音陵是悽聲轉其義則同釋訓云矜憐撫掩之也矜憐與悽憐聲亦相近方言又云憐職愛也言相愛憐者吳越之間謂之憐職惠者說文云仁也仁亦愛故諡法云惠愛也經典惠訓愛者非一

貌 振蠢震難如騷感訛蹶動也 振猶震也詩曰憂心且如無感我

上文云動作也作有奮起之意故動又訓發也生也行也變也搖也移也俱緣作起之義而生也通作董周禮大祝云四日振動注引鄭大夫云動讀為董書亦或為董振董以兩手相擊也然則董動以聲為義耳振者說文云女妊身動也引左氏哀元年傳曰后緡方娠通作身詩大任有身身即娠也漢書高帝紀云已而有娠孟康注娠音身漢史身多作娠古今字也是娠身通故爾雅釋文娠有身音是矣蠢者上文云作也作亦動也說文云蟲動也古文作載引周書曰我有載于西魏三體石經殘碑大誥云粵茲載即說文所引古文也詩采芣箋蠢動也書允蠢鯨寡漢書翟方進傳作誠動鯨寡法言君子篇序云蠢迪檢押李軌注亦以蠢為動也餘詳上文震者易說卦云震動也雜卦云震起也起亦動也詩生民

時邁閔宮傳震皆訓動上文云震懼也恐懼與變動義相成也通作張說文云張動也又通作振亦通作娠左氏昭元年傳方震大叔釋文震本又作娠按震說文以為劈歷振物是震娠俱以振動為義矣難者上文云懼也與震同義同訓聲近輓說文云輓動也是輓與蠢義又同矣如者說文云動也詩憂心且如毛傳同方言云如擾也人不靜曰如齊宋曰如郭注如音迪則與上文迪作之迪同故爾雅釋文如郭盧篤反又徒歷反徒歷即迪字之音又云顧依詩勅留反勅留即如字之音是如迪通又通作陶一切經音義十二引詩作憂心且陶又通作抽說文引詩作憂心且抽騷者騷之假音也說文云怪動也一日起也起亦動義釋訓云怪怪勞也勞動其義同通作騷詩徐方釋騷傳騷動也說文騷擾也擾當為擾擾亦動也感者說文云動人心也詩野有處騷傳及樂記注竝云感動也感又觸也發觸義亦為動感之為言撼也說文云撼搖也撼動同義訛者訛之或體也說文云訛動也引詩尚寐無訛通作訛詩或寢或訛傳訛動也釋文引韓詩作譌譌覺也覺寤與動起義近方言云譌化也釋言作訛化也變化與動作義亦近免爰釋文訛本亦作訛是訛譌又通矣蹶者說文云跳也跳躍義亦為動詩文王蹶厥生天之方蹶傳竝云蹶動也文選風賦云壓石伐木李善注蹶動也是蹶蹶同史記酈生陸賈傳索隱引埤蒼云蹶起也

覆察副審也

覆校察視副長 皆所為審諦

說文云案悉也知案諦也篆文作審廣雅云審諦也又云審索也考工記注以審為察也呂覽察微篇注審詳也音律篇注審慎也慎謹詳悉索俱審聲之遞轉其義即存乎聲也覆者廣雅云覆索也覆與審同訓索即索字左氏定四年傳藏

契滅殄絕也

今江東呼契 斷物為契斷

說文云絕斷絲也古文作契廣雅云絕斷也滅也釋名云絕截也如割截也契者契之假借也說文云契刻也廣雅同通作契釋名云契刻也刻識其數也淮南齊俗篇云越人契臂高誘注以為刻臂也又通作契左氏定九年傳盡借邑人之車契其軸杜預注契刻也荀子勸學篇云契而舍之注亦云契刻也爾雅釋文契顧若結反引左傳作契其軸又通作挈釋文契郭若計反字又作契詩爰契我龜考工記斲人注引鄭司農云契讀為爰挈我龜之挈漢書敘傳集注亦作爰挈

郡臻仍迺侯乃也

迺即乃 餘未詳

我龜文選封禪文云挈三神之歡李善注引應劭曰挈絕也滅殄上文並云盡也盡絕義同

乃者說文作乃云曳詞之難也象氣之出難公羊宣八年傳云而者何難也乃者何難也曷為或言而或言乃乃難乎而也何休注言乃者內而深言而者外而淺按而乃語有輕重耳古讀而乃音近二字俱為語詞燕禮及大射儀云大夫不拜乃飲鄭注並云乃猶而也是而乃其義同夏小正云匭之興五日翁望乃伏傳作而伏是而乃通矣又通作仍司几筵云凶事仍凡鄭注故書仍為乃鄭眾注乃讀為仍是仍乃通矣蓋仍而乃聲俱相轉故古字通用也通作審詩又寤陰雨箋云寤仍也漢書敘傳寤世薦亡寤亦訓仍仍與乃其義同矣臻者下文云薦也薦與荐同釋言云荐再也又與荐同易坎傳云水洊至釋文引京房作臻于寶作洊說文洊作薦從薦聲讀若尊是薦臻聲轉薦訓重也再也與仍義又同矣仍者下文云因也說文云仍人乃聲凡仍仍等字俱从乃聲而訓因周禮乃讀為仍是仍乃聲同凡聲同之字義存乎聲仍之訓為乃亦其證也通者說文作通仍乃省西聲籀文直不省或曰通往也讀若仍按通讀若仍即乃讀為仍也直又訓往一切經音義十八引蒼頡篇云迺往也是迺通廣雅云迺往也是迺通矣經典迺通者非一故廣韻及列子

釋文竝以迺為古文乃字是矣侯者下文云伊維侯也是侯
訓伊又訓維伊維侯俱語詞也詩內侯字傳箋俱訓維無異
詞按大明云維子侯興侯疑訓乃言天維子有德乃興之箋
訓侯為諸侯恐非又下武云應侯順德此侯亦疑訓乃乃者
汝也正與左傳應乃懿德禮
樂志蕩侯休德句義相同

迪繇訓道也

義皆見詩書

說文云繇所行道也釋名云道導也所以通導萬物也是道
取通導之義故法言云道也者通也無不通也又取由行之
義故史記袁盎鼂錯傳云道軍所來集解引臣贊曰道由也
由即行故釋宮云行道也射義及喪服傳注竝云道猶行也
行亦言故上文云行言也大學注道言也是道兼言行之義
道之為言蹈也蹈道聲同古字通用故列子黃帝篇云向吾
見子道之張湛注道當為蹈荀子禮論篇注史記道作蹈倥
謂當是道誤為蹈不知此乃古字通借非誤也左氏襄五年
經云會吳于善道公羊穀梁道俱作稻亦其證矣迪者說文
云道也道導同上文云迪進也是迪為進之道也書允迪厥
德史記夏紀作信其道德各迪有功用作各道有功迪朕德作
道吾德是迪皆訓道廣雅云迪蹈也蹈亦道也漢書揚雄傳
注迪由也由亦道也說文迪从由聲此古讀也詩桑柔釋文
迪徐徒歷反則讀如狄爾雅釋文從徐邈讀經典因之古讀

遂不可復尋矣繇者行之道也說文作繇云隨從也爾雅上
文云由從也是由與繇同通作繇文選典引云孔繇先命聖
季也上林賦云則仁者不繇也蔡邕注及郭注竝云繇道也
爾雅釋水釋文繇古由字文選諷諫詩注亦云繇與由古字
通又通作猷釋宮云猷道也又通作猶詩采芑斯干小旻板
柝訪落傳竝云猶道也禮器緇衣注亦云猶道也是猶猷由
竝與繇同上文又云猷言也猷又為言則與訓義同矣訓者
言之道也道亦為言故訓亦為道詩丞民烈文傳竝云訓道
也抑傳又云訓教也教亦道也訓與馴順
古字通用又說文云併古文以為訓字

僉咸胥皆也

東齊曰胥見方言

說文云皆俱詞也詩係傳皆俱也豐年傳皆徧也聘禮注皆
猶竝也竝徧一聲之轉小爾雅云皆同也同亦俱也通作偕
詩與子偕作夙夜必偕傳竝云偕俱也書子及女皆亡孟子
引湯誓皆作偕詩與子偕行漢書地理志及趙充國辛慶忌
傳贊偕竝作皆僉者眾之皆也說文方言言僉竝訓皆方言又
云僉夥也郭注僉者同故為夥廣雅云僉多也楚辭天問篇
為皆也咸者盡之皆也說文云咸皆也悉也按悉訓盡盡為
賅備之義故方言云備該咸也該與賅同書庶績咸熙史記
五帝紀作眾功皆與咸若時夏紀作皆若是是咸訓皆也詩

克咸厥功箋咸同也魯語小賜不咸注咸徧也徧與同其義亦俱為皆矣胥者相之皆也下文云胥相也相與皆義近相胥又一聲之轉也方言云胥皆也東齊曰胥詩君子樂胥傳胥皆也角弓抑韓奕有馭箋同

育孟耆艾正伯長也

育養亦為長正伯皆官長

釋各云長好丈夫耆也言體耆也玉篇云長直良切久也又知兩切主也爾雅之長實兼玉篇二義而讀唯一音耆艾皆年之長以久為義也正伯皆官之長以主為義也其音則皆為知兩切長訓尊也君也上也率也是皆以主為義也又訓老也先也是皆以久為義也長通作丈穀梁隱元年釋文長本又作丈大戴禮本命篇云丈者長也淮南修務篇注丈人長老之稱蓋丈所以度長因其長而尊以為長此又二音相通之證矣育者下文云養也養亦長故詩谷風生民傳竝云育長也中庸注育生也晉語注育遂也遂生義亦為長也通作毓說文育或作毓易蠱傳育德釋文引王肅本作毓德又通作鬻淮南原道篇云毛者孕育樂記作毛者孕鬻又通作育書教胄子馬融注胄長也教長天下之子弟說文及大司樂注竝引作教育子釋文育音胄本亦作胄書舜典釋文胄直又反按胄从由聲由育音轉故古字通若胄音直又反則與育聲不相轉無緣可通矣孟者說文云長也方言云姊也廣雅云始也始姊義亦為長管子任法篇云奇術技藝之人莫

敢高言孟行以過其情尹知章注孟大也大亦長矣耆者說文云老也老即長故玉篇云耆長也詩上帝耆之耆定爾功箋竝云耆老也通作黎書西伯戡黎釋文黎尚書大傳作耆史記周紀正義引鄒誕生云耆本作黎然則長老之稱或曰黎老或曰耆老是其義又通矣艾者下文云養也與育同義方言云艾長老也楚辭少司命篇云竦長劔兮擁幼艾王逸注艾長也詩夜未艾傳艾久也久亦為長小爾雅云艾大也大亦為長艾古讀為刈故說文云艾从乂聲釋各云五十曰艾艾乂也从治也治事能斷割艾刈無所疑也曲禮釋文艾一音刈此古音也經典多言耆艾論法云保民耆艾曰胡周語云耆艾修之韋昭注耆艾師傳也師傳亦長老之稱矣正者詩鳴鳩斯在節南山烈祖傳竝云正長也正月雨無正皇矣箋同蓋正為官長之稱故宮正樂正射正酒正之屬皆以正名而正室亦謂嫡子之長也正月亦謂眾月之長也正長又一聲之轉廣雅云正君也呂覽君守篇注正主也主君其義亦皆為長也通作政詩其政不獲箋以正長為訓是正政通矣伯者與孟同意詩將伯助子傳伯長也周禮序官宮伯注同古人官之長者稱伯年之長者亦稱伯故詩侯主侯伯傳伯長子也白虎通云伯者子最長迫近父也此皆伯施於年之長也一切經音義九引舍人云伯位之長也曲禮云五官之長曰伯王制注殷之州長曰伯風俗通云伯者長也白也言其咸建五長功實明白廣雅云伯君也此皆伯施於官

之長也通作霸白虎通云霸者伯也行方伯之職漢書霸皆作伯集注並云伯讀曰霸霸即伯之假借也又通作柏柏亦伯之假借也穆天子傳注古伯字多以木

艾歷也

長者多更歷

說文云歷過也漢書注經也小爾雅云久也按歷有經久之義與艾訓長老其義又近也艾者亦讀為刈詩訪落云朕未有艾鄭箋以艾為數蓋本下文歷數為說似不如用此文艾歷為訓也

麻秭算數也

秭論語云何足算也

釋文云數色具反注同謝色主反按數有二音二義爾雅之數兼包二義故釋文亦具二音也說文云數計也計算也周禮廩人云以歲之上下數邦用鄭注數猶計也此數讀色主反者也王制云度量數制鄭注數百十也此數讀色具反者也麻者書麻象日月星辰史記五帝紀作數法日月星辰管子海王篇云此其大麻也離騷云謂憑心而麻茲王逸及尹知章注並云麻數也聲轉作殿方言及說文並云殿數也又通作麗詩其麗不億傳麗數也小爾雅及孟子注同秭者說文云數億至萬曰秭一切經音義六引算經云黃帝為法數有十等謂億兆京垓壤秭溝澗正載及其用也有三謂上中

下下數十萬曰億中數百萬曰億上數萬萬曰億廣韻秭字下引風俗通云千生萬萬生億億生兆兆生京京生秭秭生垓垓生壤壤生溝溝生澗澗生正正生載載地不能載也御覽七百五十引風俗通云十垓謂之秭與廣韻所引又異詩豐年傳數億至億曰秭正義云於今數為然定本集注皆云數億至萬曰秭則與說文同郭注又云今以十億為秭廣韻又云秭千億也然則秭之為數諸家異說未有定論算者說文云數也讀若筆蓋說文筆算異字故云讀若俗書二字相亂故爾雅釋文算字又作算論語八佾篇集解馬融云多筆飲少竿釋文竿本今作算是算又別作竿也鄉飲酒及燕禮大射儀俱云無算爵士喪禮云明衣不在算鄭注並云算數也書盤庚正義引舍人云釋數之曰算按釋謂解散分析之此布算法也古者以竹為籌布算謂之為算說文云算長六寸計麻數者禮投壺云算長尺一寸鄭注或曰算長尺有握明古今為算不同也算通作選詩言威儀閑富不可選數選即算也論語何足算也漢書傳贊作何足選也御覽引風俗通云十秭謂之選選亦算也是算與秭又同為計數之名矣又通作撰易繫辭云雜物撰德釋文撰鄭作算云數也以體天地之撰釋文亦云撰數也

歷傳也

近傳

傳者近也著也晉語注傳著也小爾雅云傳近也歷者過也經也凡所經過涉歷即為近著故歷訓傳也傳與附同故玉篇云附近也著也歷之言麗也故王制云罰麗於事鄭注麗附也大司徒云其附于刑者歸于土鄭注附麗也又大司徒小司寇及鄉士凡言麗麗鄭注並云麗附也麗附即歷傳

艾歷覲胥相也

覲謂相視也公羊傳曰胥盟者何相盟也艾歷未詳

釋文云相息羊反讀兼二音在氏昭三年傳其相胡公大姬釋字凡有數義而讀兼二音在氏昭三年傳其相胡公大姬釋文云相息亮反服如字又詩金玉其相釋文亦云相如字鄭息亮反是經典相字每兼二音古無四聲之說音讀皆通爾雅此一相字亦應兩讀釋文獨主息羊一音蓋失之矣小爾雅云相治也左氏昭九年傳而楚所相也相亦訓治艾者音刈而訓治是即艾訓相之證也歷者上文云艾歷也又云歷傳也歷之訓相亦猶歷之訓傳傳相義同是即歷訓相之證也方言云齋歷相也齋即艾之假音與爾雅義正合不知郭何以未詳耳覲者說文云衰覲也脈云目財視也廣韻引作目邪視也是脈與覲同古字通用周語云太史順時覲土韋昭及薛綜西京賦注並云覲視也古詩云脈脈不得語運命論篇亦用脈脈今本皆作脈脈竝為譌俗又今人多用尋覓字古書不見有覓蓋即覲字之譌矣胥者上文云皆也皆有

相連及之意故郭引公羊桓三年傳云胥盟者何相盟也櫪辭以證胥相之義今按郭義亦恐未然證以詩云聿來胥宇又云于胥斯原胥皆訓為相覲之相故釋文並云相息亮反

艾亂靖神弗濕治也

論語曰子有亂臣十人濕書序作洎音同耳神未詳餘竝見詩書

釋文云治直吏反謝如字按如字者直之反也然二音特語有輕重耳其實非有異也治訓整也正也飭也理也喪服傳云故名者人治之大者也鄭注治猶理也禮大傳云上治祖彌鄭注治猶正也是治有二音其義則一故釋名云治值也物皆值其所也通作始荀子彊國篇云彊始中國揚倮注始或為治公羊襄五年傳故相與往殆乎晉即往治乎晉也艾者雙之假借也說文云雙治也引虞書曰有能俾雙爾雅釋文艾字又作雙通作艾論法云艾治也洪範五行傳云言之不從是謂不艾鄭注艾治也凡書內艾字史記俱作治又通作艾詩或肅或艾傳艾治也書艾用三德漢書五行志作艾用三德俊又在官谷永傳作俊艾在官又通作列爾雅釋文艾亦作列同魚廢反按艾古讀為列說文列又同字故古通用矣亂者說文云治也从乙乙治之也書亂而敬史記夏紀作治而敬殷其弗或亂正四方宋世家作不有治政不治四方馬融注亂理也理亦治也故書正義引舍人曰亂義之治也孫炎曰亂治之理也通作爾說文爾治也子相亂受治

之也讀若亂同一曰理也又通作繚說文繚亂也一曰治也是繚兼治亂二義經典通以亂字代之亂繚聲義同耳靖者詩俾予靖之傳靖治也日靖四方箋靖治也弗通作第詩第厥豐草傳第治也箋除治也又通作拂釋文第韓詩作拂弗也蓋言拂與弗同文選顏延年應詔識曲水詩注拂亦作弗古字通是其證也漏者汨之假音也說文云汨治水也書序云作汨作楚辭天問篇云不任汨鴻王逸注汨治也通作屈詩屈此羣醜箋屈治也正義去釋詁文彼屈作漏某氏引此詩是音義同也

頤艾育養也

汝頤梁宋之間說文云養供養也頤者宦之假音也說文云宦養也室之東北隅食所居本釋宮為說也李巡注法宦養也通作頤易序卦引云頤者養也雜卦云頤養正也曲禮云百年曰期頤文選典注台猶頤也音怡又通作胎說文台从呂聲胎从台聲古讀二字音同故方言台胎並訓養爾雅舊注亦云胎始養也釋文胎本或作台是台胎同矣艾者詩保艾爾後福祿艾之傳並云艾養也左氏襄九年傳大勞未艾杜預注艾息也哀十六年傳是得艾也杜注艾安也安息與養義近通作艾書萬邦作艾鄭注艾養也是艾即艾矣育者說文云育養子使作善也蓋本虞書教育子為說也詩帝命率育易君子以果行育德鄭箋及虞翻注並云育養也通作鬻莊子德充符篇云四者天鬻也釋文鬻音育養也又通作粥周禮修閭氏云與其國粥夏小正云雞粥傳注並云粥養也育聲近鞠詩蓼莪傳及方言並云鞠養也育艾頤又俱聲轉之字

沃渾隕墜也 沃渾皆水落貌 墜者上文云落也說文作隊通作墜或作隧俱詳上文隕者上文與墜並云落地落墜其義同故詩氓七月縣傳並云隕墜也小弁傳隕隊也隊墜同

際接彘捷也

捷謂相

捷者接也說文云捷獵也初學記廿二引蔡邕月令章句云獵捷也是捷獵互訓二字疊韻其義則皆為接也故文選靈光殿賦云捷獵麟集景福殿賦云獵捷相加李善注並云相接貌洞簫賦云羅麟捷獵又作捷獵羽獵賦云鴻網捷獵李善注捷獵相次貌也莊子人間世篇云必將乘人而鬪其捷釋文捷引續也韓詩外傳云宏演可謂忠士矣殺身以捷其君蓋演制腹納君之肝捷訓接續皆其證矣際者說文云壁會也小爾雅云際接也左氏昭四年傳爾未際孟子萬章云

敢問交際淮南本經篇云上際青雲注並云際接也通作瘵
詩無自瘵焉箋瘵接也易天際翔也釋文引鄭云際當為瘵
是瘵際通接者說文云交也聘禮云接聞命楚辭哀郢篇云
憂與愁其相接注並云接續也淮南本經篇云接經歷遠高
誘注接疾也接訓疾者捷有疾義捷接聲同故古字通易云
畫日三接內則云接以大牢鄭皆請接為捷春秋經宋萬弒
其君捷又鄭伯捷卒公羊捷俱作接漢書古今人表捷子莊
子則陽篇作接子捷捷通皆其證矣吳者釋文云所甲反
說文云捷捷也飛之疾也吳聲近書文選吳都賦云鞞雷警
捷李善注鞞雷走疾貌按俗語云一雷時亦捷疾之意也此
捷字與際接義異而同

愆神溢慎也

神未詳餘

慎者上文云誠也靜也誠靜與謹慎義近故說文云慎謹也
愆者說文云愆也引書無愆于師詩為謀為愆子其愆而愆
後患傳並云愆愆也通作閱書天閱愆我成功所傳云閱愆
也詩闕宮箋閱神也神亦慎也又通作祕說文云祕神也是
之義故鄭箋同神者祕之慎也慎兼誠靜之訓神有幽闕
篇云貴之神之為神爾雅訓神為慎是其義同荀子非相
者上文云云

鬱陶繇喜也

孟子曰鬱陶思君禮記曰人喜則斯陶

舍人曰溢行之慎也釋文溢音逸徐云毛音謚文王釋文云
謚音示慎也然則毛公讀溢為謚謚行之迹故舍人以爲行
之慎蓋義本毛音也溢通作謚假以溢我說文引作謚以謚
我謚溢上文又俱訓靜故靜慎二義通神之訓慎義亦同矣
上文云喜樂也此又廣釋喜義也鬱陶者陶音遙釋文陶徒
刀反非矣鬱陶猶言怡悅並字之雙聲其義又俱為喜也檀
弓云人喜則斯陶鄭注陶鬱陶也鬱陶連文本爾雅為訓也
陶讀為遙亦其證矣繇者陶之假音也說文云繇喜也通作
僖云僖喜也又通作繇釋文引崔李云猶笑貌檀弓云咏斯
篇云宋榮子猶然笑之釋文引崔李云猶笑貌檀弓云咏斯
猶鄭注猶當為搖秦人猶搖聲相近是鄭讀猶為搖郭讀猶
為繇繇搖亦雙聲也又通作繇由孟子云由然管子小問篇
云由由乎尹知章注由由悅也又通作油逸周書官人篇云
喜色猶然以出猶本或由油漢禮已三爵而油油鄭注
油油說敬貌是油油即由由又轉為陽陽詩君子陽陽自得
貌也又轉為陶陶君子陶陶傳和樂貌箋陶陶猶陽陽也釋
文陶音遙此音是也爾雅及檀弓釋文俱失之
古讀陶繇聲同書之皋陶古作咎繇是其證

臧穢獲也

今以獲賊耳為臧

獲之言得也經典獲皆訓得左氏定九年傳凡獲器用曰得
得用曰獲此單主物而言實則人亦曰獲故墨子小取篇云
獲人也楚辭哀時命篇云釋管晏而任臧獲兮王逸注獲為
人所係得也或曰獲主禽者也按魯人展獲字禽與或說合
是獲兼人物而言說文以獲為獵所獲亦單主物言耳獲通
作穫以聲為義也馘者說文作馘或作馘云軍戰斷耳也引
春秋傳曰以為俘馘是馘有从耳从首之別故詩皇矣釋文
引字林馘耳則作耳旁馘首則作首旁此亦不必然也馘馘
二形實同一義故皇矣傳馘獲也不服者殺而馘其左耳曰
馘泮水箋馘所格者之左耳是皆首旁馘亦訓斷耳可知呂
說非矣王制注馘或作國此於義無可通唯聲近耳齊者說
文云穫刈也詩此有不斂穧釋文穧穫也正義云齊者禾之
舖而未束者此以穧對秉言故云未束實則穧亦穫禾之總
名穫獲古通用故爾雅釋文穫禾一本作獲禾禮儒行云不
隕獲於貧賤釋文獲本又作穫荀子富國篇云一歲而再獲
之楊倞注獲讀為穫逸周書大開武篇云既秋而不獲維禽
其饗之是皆以獲為穫也穧通作齊釋文
穧本或作齊同才細反依注字宜從禾

阻艱難也

皆險
釋文難奴旦反注同一音如字今按二讀俱通左氏哀十二
年傳而藩其君舍以難之杜預注難困苦也周禮占夢注杜

子春難讀為難問之難是皆主前一音也釋名云難單也人
所忌憚也莊子說劍篇云瞋目而語難釋文難如字艱難也
是皆主後一音也實則二音理自通矣阻者說文云險也險
阻難也詩雄雉谷風傳並云阻難也書黎民阻飢鄭注阻讀
日阻阻厄也厄亦難也通作沮禮儒行云沮之以兵家語儒
行篇作沮之以兵而不懼王肅注沮難也艱者說文云土難
治也釋名云艱根也如物根也詩中谷有蕓傳及北門向人
斯鼻驚箋並云艱難也書暨稷播奏庶艱食史記夏紀作與
稷子眾庶難得之食又大誥篇內艱字漢書翟方進傳並作
難也艱義與蹇同易彖傳及雜卦並云蹇難也離騷云蹇吾
法夫前修兮王
逸注蹇難也

剡矧利也

詩曰以
說文云利銛也外刀和然後利从和省引易曰利者義之和
也剡者說文云銳利也楚辭橘頌篇云曾枝剡棘淮南汜論
篇云古者剡耜而耕王逸及高誘注並云剡利也通作覃詩
以我覃耜傳覃利也釋文覃以耒反徐以廉反爾雅釋文剡
羊耒反今按三音俱非古讀也古讀剡蓋如禪知者說文剡
从炎聲木部按亦从炎聲讀若三年導服之導士虞禮記注
古文禪或為導喪大記注禪或皆作道道與導同是導服即
禪服古讀按若導亦當讀剡若禪矣剡讀若禪故與覃通此
皇清經解 卷三十三 郝戶部爾雅義疏 庚申補刊

古音也郭引詩覃耜作剌耜蓋齊魯韓三家作剌毛詩假借作覃耳耜者說文作剔籀文作畧云刀劍刃也通作略詩有略其耜傳略利也釋文略字書本作畧匡謬正俗引張揖古今字詁云略古作畧畧利一聲之轉

允任壬佞也

書曰而難任人允信者佞人似信王猶任也

說文云佞巧譎高材也按佞有二義廣雅云佞巧也韓詩外傳云佞諂也與說文前義合也左氏成十三年傳寡人不佞魯語云寡君不佞服虔及韋昭注並云佞才也與說文後義合也佞从女从信省徐鉉以為女子之信近於佞是佞又似信也允任壬本訓為信為大而為佞美惡不嫌同詞也韋昭晉語注偽善為佞然則佞者以巧辯飾其偽善故世俗以為才美之稱君子惡而遠之矣允者上文云信也誠也又訓佞者逸周書寶典篇云展允于信蓋展允雖訓信亦容有信不近義者故曰于信是允又為佞矣任者釋文而鳩而淫二反說文云任依也詩燕燕箋任以恩相親信也周禮大司徒注任信於友道史記季布樂布傳云為氣任俠集解引如淳曰相與信為任是皆任訓為信也又訓佞者佞人似信故書亦通佞人矣王者說文云大也詩燕燕傳任大也是任王同又訓佞者佞人好作大言以欺人故書云何畏乎巧言令色孔于王佞也亦甚佞言大佞也必言大者壬本訓大也

王通作任故後漢書鄧暉傳云孔任不行孔任即孔王矣

俾拚抨使也

皆謂使

俾拚抨使從也

四者又為隨從

說文云使伶也玉篇云使令也使所里切又疏事切又云伶使也詩車鄰釋文引韓詩令作伶云使伶是使令古作使伶今借為使令通作史禮雜記云客使自下由路西鄭注使或為史史使聲同也俾者釋言云職也是職之使也詩書內俾訓使者非一通作卑詩俾予靖之釋文俾本作卑使也書文王卑服釋文卑馬本作俾使也又通作辯小爾雅云辨使也廣雅作辯使也書勿辯乃司傳亦同又書序云王俾榮伯作賄肅慎之命釋文俾馬本作辯辯卑俾俱一聲之轉也拚者當作拚是從之使也說文云拚相從也從亦使也使亦從也故訓從之字即可訓使拚別作拚釋文拚北萌反以利使人日拚從手按外手之拚益後人所加以利使人此語未見所出通作莽詩莽云不遠傳莽使也釋文莽本或作拚又通作緝文選典引云將緝萬嗣蔡邕注緝使也緝莽拚俱并之假音矣抨者傳之假音也說文云傳使也通作傳又云傳使也又通作抨抨本訓彈又借為使釋文抨普耕反亦從手文選思名賦云抨巫咸以占夢兮舊注抨使也一切經音義十二云拚古文抨同此說非也拚字非古文拚抨又不同音蓋本玉篇而誤也又通作倅釋文倅字又作倅音同使人也書倅

來來正義引鄭注伴來來者使二人也漢書劉向傳孟康注亦云伴使也又通作萃書平秩東作釋文平馬作萃云使也凡此訓使之字又俱訓從者說文從隨行也隨從亦使令之義玉篇廣韻俾並作俾廣韻云俾使也從也與俾同拚訓從者說文作并云相從也

僕仍因也

皆謂因緣

說文云因就也廣韻云仍也玉篇云緣也後漢書陳寵傳注因緣謂依附以生輕重也逸周書作雒篇云北因于郊山孔晁注因連接也連接亦因緣依就之義也僕者僕之假音也釋文僕樊孫如羊反引論語其父攘羊釋之作攘注云因來而盜曰攘是樊光孫炎本僕作攘禮器云匹士大牢而祭謂之攘鄭注攘盜竊也是攘訓盜竊因來而取故又訓因也書奪攘橋虔鄭注有因而盜曰攘無敢寇攘鄭注因其失亡曰攘是皆攘訓因之證故漢書五行志注亦云攘因也通作襄書日贊贊襄哉釋文引馬融注襄因也爾雅釋文襄施息羊反然則僕有襄音故邢疏云僕施博士讀曰襄按諡法云因事有功曰襄是襄訓因之證又通作僕周禮司几筵鄭眾注引爾雅曰僕仍因也與今本同仍者說文云因也詩常武傳仍就也就亦因也通作仍說文云仍因也常武釋文仍本或作仍上文仍厚釋文亦云仍本或作仍又通作乃司几筵注

故書仍為乃上文亦云仍乃也

董督正也

皆謂御正

說文云正是也从止一以止繫傳云守一以止也按止一為正所以為是也反正為乏所以為非也正聲近定故周禮宰夫注正猶定也考工記鞀人注正直也文選東京賦注正中也中直皆是之義也土冠禮注正猶善也善亦是之義也通作政周禮凌人注故書正為政詩大序及周禮都司馬釋文並云正本又作政說文云政正也莊子天運篇云正者政也故政正通矣董者楚辭涉江篇云余將董道而不豫兮王逸注董正也左氏桓六年昭三年傳杜預注同文六年傳董通逃七年傳引夏書董之用威昭十三年傳董之以武師杜注並云董督也督亦正也董督又一聲之轉也督者方言云督理也郭注言正理也周禮大祝注督正也莊子養生主篇緣督以為經司馬彪及李頤注並云督中也中亦正也通作篤廣雅云篤理也左氏昭廿二年傳司馬督漢書古今人表作司馬篤是篤督通

享孝也

享祀

釋訓云善父母為孝主生存而言此云享孝主祭祀而言故釋名引孝經說曰孝畜也畜養也是孝以畜養為義也享者

祭祀之義也。享訓祭祀。又訓孝者。孝以畜養為義。享又以養為義。故廣雅云：「高養也。」祭統云：「祭者所以追養繼孝也。」蓋緣孝子之心，畜養無已，故於祭祀追而繼之。

珍享獻也

口珍諸侯不享觀

玉篇云：「獻奉也。」進也。上也。奏也。詩：「瓊葉傳獻。」奏也。鄉飲酒禮注：「獻進也。」進奏義同。呂覽異寶篇云：「願獻之丈人。」高誘注：「獻上也。」公羊隱五年經云：「初獻六羽。」何休注：「獻者下奉上之辭。」周禮玉府注：「古者致物於人尊之則曰獻。」是皆獻之義也。珍者上文云：「美也。」是美之獻也。文選羽獵賦注：「引犍為舍人云：獻珍物曰珍。」獻食物曰享。享者說文作音云：「獻也。」从高省。曰象進孰物形。詩：「是用享享。」我將我享。洪範五行傳云：「飲食不享。」傳注：「並云享獻也。」是皆食物稱享之證也。考工記：「玉人云：諸侯以享天子。」聘禮云：「受享束帛。」加幣穀梁昭卅二年傳云：「諸侯不享。」觀鄭注及范甯注：「並云享獻也。」是皆非食物亦稱享之證也。通作饗。月令云：「以共皇天。」上帝社稷之饗。鄭注：「饗獻也。」曲禮釋文：「饗本又作享。」聘義釋文：「享本又作饗。」又通作亨。古多以亨為享。易云：「亨于西山。」劉熊碑云：「子孫享之。」皆借亨為享也。

縱縮亂也

皆亂法也

亂者治之對也。爾雅：「此亂蓋敵之假借也。」說文云：「敵煩也。」玉篇云：「敵亂也。」通作亂。亂本治之反。因借為煩。亂之義也。故釋訓云：「僂僂洄洄亂也。」釋名云：「亂渾也。」荀子：「解蔽篇注：亂雜也。」樂記注：「亂謂失行列也。」大戴禮：「曾子立事篇云：好道煩言亂也。」此即亂訓煩之意矣。縱者放也。散也。皆與亂義近。又縱橫交午，亦有亂義。故淮南覽冥篇云：「縱橫間之高誘注：南與北合為縱。」是縱即交亂之意也。通作從。論語云：「從之。」皇侃疏：「從放從也。」內則云：「姑縱之。」釋文：「縱本又作從。」又通作總。逸周書大聚篇云：「殷政總總若風。」草孔晁注：「總總亂也。」按總總猶縱縱也。檀弓云：「喪事欲其縱縱。」爾鄭注：「縱讀如總領之總。」是總縱通矣。縮者說文云：「亂也。」下文云：「綸也。」綸亂一聲之轉。鄉飲酒禮云：「磬階闈縮。」韋鄭注：「縮從也。」雷以東西為從。爾凡儀禮禮記內縮字。鄭訓從者非一。皆以從為縱。縱橫經典本作從。橫也。通作縮。一切經音義：「昔云縮字。」書作縮。同所六反。詩：「巷伯釋文：縮又作縮。」同。又通作數。周禮司尊彝云：「醴齊縮酌。」鄭注：「故書縮為數。」按數有煩碎之意。與亂義近。又通作蹙。鄉飲酒及鄉射大射士虞少牢饋食有司徹。鄭注：「並云古文縮為蹙。」

探篡俘取也

書曰：「俘厥寶玉。」篡者奪取也。探者摸取也。

說文云：「取捕取也。」釋名云：「取趣也。」按者說文云：「遠取之也。」易繫辭云：「探噴索隱。」文選西京賦云：「探封狐。」虞翻及薛綜注：「竝

云探取也通作擢說文云擢揆也集韻云探或作擢周禮擢人釋文擢與探同纂者說文云而而奪取曰纂方言云自關而西秦晉之間凡取物而逆謂之纂後漢書逸民傳引揚雄曰鴻飛冥冥弋者何纂焉李賢注引宋衷云纂取也一切經音義二引爾雅舊注云盜位曰纂白虎通云纂猶奪也取也欲言庶奪嫡尊宗引奪取其位按纂从厶音私言以計數取之不敢公然劫奪故逸民傳注云今人謂以計數取物為纂是其義矣俘者說文云軍所獲也引春秋傳曰以為俘賦一切經音義十二引國語賈逵注云伐國取人曰俘左氏傳廿二年正義引李述云囚敵曰俘伐執之曰取按費李二說俱以俘為獲取人實則獲取物亦曰俘故書序云俘厥寶玉是取物言俘也李言伐執曰取實則凡取物亦曰取也通作擢說文云擢引取也从孚聲是擢俘同擢又蒲侯切亦聲之轉也易云哀多益寡釋文引鄭荀董蜀才作擢云取也字書作掇按說文云今鹽官人水取鹽為掇是掇亦取矣

徂在存也

此皆詁訓義有反覆旁通美惡不嫌同名說文云存恤問也玉篇云有也與恤問義近故王制云八月十月告存月令云存諸孤竝以存問為義釋訓云存存在也既訓存存亦訓在故公羊隱三年傳有天子存何休注存存也徂者詩出其東門箋云匪我思且猶匪我思存也釋文

在存省士察也

書曰在睿璣玉衡士理官亦主聽察存即在

且音徂爾雅云存也在者說文云存也聘禮記云子以君命在寡君左氏僖九年傳其在亂乎鄭注及村預注竝云在存也大戴禮曾子立事篇云存往者在來者盧辯注在猶存也是且在存俱一聲之轉

上文云察審也離騷注察視也呂覽本味篇注察省也省察互相訓也通作督顏氏家訓書證篇督古察字也在者書堯典正義引舍人曰在見物之察詩在帝左右禮文王世子必在視寒煖之節逸周書大聚篇王親在之箋注竝云在察也在察一聲之轉存者恤問是問之察也禮運處其所存大傳五日存愛鄭注竝云存察也周禮司尊彝大喪存奠彝鄭注存省也省亦察矣省者說文云視也是視之察也書證篇引李登云省察也張揖云省今省督也通作省書王省惟歲史記宋世家作王省惟歲周禮大宗伯云省牲鑊釋文省本又作省士者說文云事也是事之察也書汝作士正義引鄭注士察也主察獄訟之事周禮序官士師注同通作仕詩弗問弗仕箋仕察也曲禮云前有士師鄭注士或為仕是仕士通又與伺同一切經音義二引字林云伺候也察也玉篇同而云廣雅埤蒼竝作覘

烈枿餘也

晉衛之間曰葉陳鄭之間曰烈

說文云餘饒也玉篇云殘也廣韻云賸也通作余周禮委人云凡其餘聚以待頒賜鄭注余當為餘聲之誤也按古字通借非誤也史記屈原賈生傳餘何畏懼兮索隱曰楚辭餘竝作余是余餘字通之證也烈者裂之假音也說文云裂繪餘也玉篇云喇窮餘也廣雅云帶餘也喇竝與裂同通作烈方言云烈餘也詩雲漢序宣王承厲王之烈箋亦云烈餘也又通作厲詩垂帶而厲下云帶則有餘是厲訓餘也故箋謂厲字當作裂裂厲聲相轉也柎者柎之別體也說文作櫛或作櫛云伐木餘也引尚書曰若顛木之有粵獻古文作不亦作柎按柎蓋从傘聲傘即傘字之省隸書變傘為丹經典因之作柎故方言云柎餘也書盤庚正義引李巡曰柎槁木之餘也詩苞有三葉廣韻引作抱有三柎俱柎變為柎耳然亦有未變者淮南俶真篇云百事之莖葉條柎高誘注柎讀詩頌苞有三葉同又云則必無餘柎高注柎葉經典柎字唯此二見高氏恐人不識故以葉字代音爾雅釋文柎木或作柎玉篇亦柎下復出柎字皆從隸變也柎轉為肄詩伐其條肄傳肄餘也斬而復生曰肄玉藻云肆東及帶鄭注肆讀為肄肄餘也左氏襄廿九年傳而夏肄是屏肄亦訓餘肄柎一聲之轉郭注本方言而文小異

迓迎也

公羊傳曰跛者迓跛者

說文云迎逢也逆迎也關東曰逆關西曰迎是迎逆義同又與御同史記大官書云迎角而戰者不勝集解徐廣曰迎一作御御逆迎俱一聲之轉也迓者說文作訝或作迓云相迎也引周禮掌訝曰諸侯有御訝也聘禮云訝賓書云子迓續乃命于天迓訝竝訓迎也通作御詩百兩御之以御田祖以御于家邦箋傳竝云御迎也士昏禮云媵御沃盥交鄭注御當為訝按古讀訝如御二字音同故文選幽通賦云昔衛叔之御昆兮亦以御為訝郭引公羊成二年傳跛者迓跛者穀梁傳迓亦作御也又通作禦書弗迓克奔史記周紀作不禦克奔又通作樛聘禮云訝受几于筵前鄭注今文訝為梧釋文樛五故反是梧訝禦俱音近古通用

元良首也

左傳曰狄人歸先軫之元良未聞

上文云首始也此訓頭也蓋頭為諸陽之會居上而得氣最先故首謂之始亦謂之頭說文云頭首也百頭也禮稽命徽云三旒齊首宋衷注首頭也元者上云始也易云元者善之長也首亦眾體之長故玉篇引韓詩云元長也長亦首故詩建爾元子士冠禮始加元服傳注竝云元首也左氏僖卅二年傳狄人歸其元哀十一年傳歸國子之元竝以元為首矣頁者廣雅云元良長也長與首同義

皇清經解

卷三十五

郝尸部爾雅義疏

禮

庚申補刊

薦摯臻也 薦進也摯至也故

臻者上文云至也通作臻文選甘泉賦云是時未臻夫甘泉也李善注臻與臻同至也薦者薦之假音也說文云薦水至也从薦聲讀若尊通作薦上文云薦進也進至義相成又通作游易云水游至按游與薦同石經作游蓋薦之或體爾雅作薦蓋薦之省聲耳海京房作臻臻又薦之訓矣摯者摯之假音也說文云摯至也引書爾雅伯戲黎云大命不摯讀若摯同按今書藝正作摯史記殷紀作大命胡不至考工記弓人云斲贊必中函人云凡甲鉞不摯鄭注並云摯之言致也致亦至故曲禮注摯之言至也摯又作贊故書舜典鄭注贊之言至所以自致也是贊摯俱贊之通借

賡揚續也 書曰乃賡載

續者上文云繼也說文云連也連繼為屬故說文云屬連也屬續義同二字互訓故禮深衣注續猶屬也釋名云屬續也續屬以聲為義也賡者庚之假音也說文以賡為古續字書云乃賡載歌言續為歌也史記夏紀作乃更為歌更亦續也管子國蓄篇云愚者有不賡本之事言不續本也尹知章注賡猶償也償續義亦近也經典賡字止此二見賡字从庚因借為庚詩西有長庚傳庚續也正義引釋詁文禁辭遠逝篇云立長庚以繼日亦以庚為續也檀弓云青庚之鄭注庚償

也通作更周禮司弓矢云弗用則更鄭注更償也更訓償者為有虧損償還如前義亦為續故晉語云姓利相更韋昭注更續也漢書食貨志云不足以為更之集注亦云更續也更迭相代有續之義故訓為續是皆賡借為庚也爾雅之賡亦借為庚因讀為庚不得如說文以賡為古續字矣揚者通作颺書之颺言史記夏紀作揚言揚訓續者蓋飛揚輕舉亦有連續之形故又訓續古義或如此也錢氏大所潛研堂文集十云燕禮主人賡觶於賓注云賡送也賡或為揚檀弓杜賡洗而揚解注云禮揚作賡按禮賓主獻酢畢乃有賡觶賡爵者則揚解之揚蓋取義於續矣書立政以揚武王之烈亦當續訓

耐旒祖也 耐付也付新灰者

祖者上文云始也說文云始廟也是祖兼廟而言此文當耐祖連讀旒者說文云耐旒祖也文義未明故玉篇廣韻申之云耐毀廟之祖也是耐訓為毀上文云境毀也境與旒聲義同耐者說文云後灰者合食於先祖釋名云又祭曰耐祭於祖廟以後灰孫耐於祖也喪服小記云耐必以其昭穆故既夕禮云明日以其班耐班即昭穆明日卒哭之明日也鄭注耐猶屬也祭昭穆之次而屬之是其義也耐必於毀祖者祖親盡則廟毀耐祭於此以新灰之主將入此廟故祭而屬之

也郭訓耐為付義亦如此通作付周禮大祝云付練祥鄭注
付當為耐又通作附曾子問云殤不附祭釋文附本或作耐
雜記上下篇言附者非一
鄭注竝云附皆當為耐

也近
即尼也 尸子曰悅尼而來遠也 尼定也 止亦定也 邇幾暱近也 暱

說文云尼從後近之小爾雅云尼近也通作昵釋文尼本亦
作昵同女乙夙即者方言云就也是就之尼也詩東門之墀
傳即就也通作則禮王制云必即天論鄭注即或為則按則
即又皆語詞而義亦為近故廣雅云則即也則即聲相轉則
之言側也側訓邊近與即義同郭云即猶今也者今亦為近
又引尸子曰悅尼而來遠以證尼近之義書釋文引尸子云
不避遠昵按昵亦當為尼○尼又訓定者尼定上文竝云止
也止亦定邢疏引舍人曰尼者私之定也以尼為私者尼與
暱通○尼既訓近因廣釋近義也說文近附也古文近作岸
从止是近亦止意近之義為迫故說文迫近也玉篇迫附也
邇者說文云近也詩汝墳東門之墀杜傳竝云邇近也通
作爾釋名云爾昵也周禮肆長云實相近者相爾也鄭注爾
亦近也儀禮燕禮云南鄉爾爾鄭注爾近也後也揖而移之
近之也是皆邇通作爾故爾雅序釋文云爾字又作邇矣幾

者說文云殆也殆亦近易月幾望詩維其幾矣左氏昭十六
年傳幾為之笑魯語云民羸幾卒竝以幾為近也通作幾大
司馬九畿注云故書畿為近是近與畿幾古俱音同字通又
通作冀李巡注爾雅冀州云冀近也史記孝武紀云冀至殊
庭焉索隱曰冀漢書作幾幾近也是幾冀又通矣暱者說文
云日近也引左氏昭廿五年傳私降暱燕詩無自暱焉齊語
云野處而不暱毛傳及韋注竝云暱近也左氏閔元年正義
引舍人曰暱戚之近也文選注引孫炎曰暱親之近也通作
昵說文暱或作昵書大誓正義引孫炎曰昵親近也高宗彤
日釋文暱近也私降暱燕今在傳作私降昵宴又通作尼書
正義引孫炎曰尼
者近也是尼昵通

安安坐也 禮記曰安
而后傳命

說文云聖止也从土从畱省土所止也此與畱同意古文作
坐釋名云坐挫也骨節挫也按坐有二義古有危坐危坐
者跪也故釋名云跪危也兩膝隱地體危也詩云不遑啓
處啓即跪也是危坐之義也安坐者亦兩膝隱地而體不危
院即安坐矣安者上文與安竝訓止郭注安者坐也即本此
為訓也坐止義同安安義同故此四字反覆互訓義得兼通
爾雅此讀當從坐也斷句蓋以安安訓坐是即上文安安訓
止之義也然安亦可斷句安訓安坐亦即安安訓坐之義也

蓋此二讀於義俱通矣以安安訓坐者玉篇引爾雅云安坐也廣韻云安安也漢書燕刺王且傳集注亦云安安也安與綏同綏訓安即安訓安也故漢書注安古綏字曲禮云大夫則綏之又云國君綏視鄭注並云綏讀為安是安綏古字通徐錯疑綏不當入安此妄說也以安訓安坐者詩以安以侑傳安安坐也士相見禮云安而後傳言士虞禮及特牲少牢饋食禮並云拜安尸郊特牲云詔安尸鄭注並云安安坐也又云拜之使安坐也然則毛鄭俱以安坐訓安郭及玉篇廣韻並以安安訓坐二讀不同於義俱通郭引傳言作傳命字之誤

貉縮綸也

綸者繩也謂牽縛縮貉之今俗語亦然

釋名云綸倫也作之有倫理也說文云綸青絲綬也綬亦繩故詩言綸之繩說文繩索也釋器云繩之謂之縮之即詩縮版以載也

貉嘆安定也

皆靜定見詩

安定上文竝云止也止亦定也貉者上文云靜也靜亦定也通作貉詩皇矣傳貉靜也釋文貉本又作貉又通作莫釋文貉左傳作莫韓詩同云莫定也又求民之莫民之莫矣傳竝云莫定也莊子大宗師篇云莫然有間釋文引崔譔注莫定

也嘆者說文云嗷嘆也玉篇云靜也廣雅云安也安靜亦定故廣雅又云嘆定也呂覽首時篇云飢馬盈廢嘆然未見芻也楚辭哀時命篇云嘆寂默而無聲竝以嘆為靜定也通作莫文選西征賦注引韓詩章句云莫靜也又通作莫釋文嘆音莫本亦作莫安者說文云靜也燕禮云君曰以我安又云皆對曰諾敢不安竝以安為坐定也

伊維也

發語伊維侯也詩曰侯誰在矣互相訓

時寔是也公羊傳曰寔來者何是來也

三者皆語詞也凡語詞之字多非本義但取其聲維者惟之假音也玉篇云惟有也辭也伊也離騷云惟庚寅吾以降王逸注惟辭也文選羽獵賦注引韓詩章句亦云惟辭也東京賦及甘泉賦注竝云惟有也東征賦注又云惟是也是與有亦皆語詞也通作維詩維天之命之維韓詩訓念則與惟同毛鄭無訓則亦為語詞矣伊者亦假借字也詩何彼穠矣及雄雉兼葭傳竝云伊維也士冠禮云嘉薦伊脯楚辭悼亂篇云伊余兮念茲葭及王逸注竝云伊惟也又詩匪伊垂之箋伊辭也漢書禮樂志及揚雄傳注竝云伊是也是亦惟也惟亦辭也通作繫左氏傳五年傳民不易物惟德繫物服虔注繫發聲也襄十四年傳繫伯舅是賴杜注與服注同隱元年傳繫我獨無杜注繫語助是繫伊同故詩雄雉兼葭東山白駒正月箋竝云伊富作繫繫猶是也史記周紀云共王繫扈索隱引世本作伊扈是皆伊繫字通之證○侯者上文云

乃也乃既語詞故侯亦語詞史記樂書云高祖過沛詩三侯之章索隱曰侯語辭也按詩即大風歌當言三分云三侯者今侯皆語詞蓋讀同也維訓侯者詩侯誰在矣矣文王孫子應侯順德傳並云侯維也正月四月蕩箋並同漢書禮樂志云蕩侯休德敘傳云侯由木之區別兮服虔應劭注並云侯惟也文選東京賦云侯其禕而亦以侯為語詞也侯訓維維訓侯故郭云互相訓是者亦語詞也詞有宜施各指所之伊維俱語詞而訓是是亦語詞而訓此故廣雅云是此也時者是聲之輕而浮者也古人謂是為時今人謂時為是是時一聲也時是一義也故書惟時戀哉史記五帝紀作維是勉哉咸若時夏紀作皆若是時日易喪殷紀作是日何時喪並以時為是也詩內時字傳箋訓是者非一考工記桌氏云時文思索士冠禮云孝友時格內則云共帥時鄭注並云時是也並以是訓時也寔者是聲之奔而下者也詩寔命不同傳寔是也公羊桓六年傳寔來者何猶曰是人來也穀梁傳寔來者是來也大學云寔能容之寔不能容書秦誓寔俱作是矣通作實詩實維伊何箋實猶是也實牖實壑實畝實籍箋實當作寔趙魏之東實寔同聲左氏桓六年經云實來父選西京賦云寔蕃有徒杜預及薛綜注並云寔實也詩小星釋文寔韓詩作實云有也是寔實通

卒猷假輟已也猷假未詳

說文已已也玉篇止也畢也又訖也畢訖義皆為盡盡為止故經典已訓為止爾雅上云已此也此訓止故已亦止卒者上文云盡也下文云終也釋言云既也既亦已之詞也釋名云止也止即已之訓也一切經音義九引李巡曰卒事之已也猷者春秋文六年云猶朝于廟公羊傳猶者何通可以已也穀梁傳猶之為言可以已也宣八年云王午猶釋公羊傳與文六年同穀梁傳猶者可以已之辭也左氏僖卅一年云猶三望杜預注猶者可止之辭是傳注並以猶為止已之義猶猷古字通猶必兼可已二義者釋言云猶可也猶有疑惑之意又有遲回之意並與止已義近故凡言猶者必兼可已二義猶已聲相轉也假者曲禮云天王登假鄭注假已也通作瑕詩烈假不瑕箋瑕已也正義引釋詁文假與格古通用書格于上下說文引作假于上下假古音與格相轉格訓至也至亦止也止亦已也故小爾雅以格為止爾雅以假為已其義正同矣輟者曲禮云輟朝而顧及論語微子篇鄭注並云輟止也止即已矣

求曾在卒就終也詩曰嗣先公爾曾矣成

此又因已義而廣釋終義也終亦已也極也畢也盡也竟也釋言云彌終也郭注終竟也釋名云終盡也周語云今自天畢伯士之終也韋昭注終卒也廣雅云終極也義並同矣求者詩世德作求逖求厥寧箋並云求終也周禮牛人云凡祭

祀其享牛求牛注亦云求終也聲與究近究訓盡盡亦終矣會者范望太平注會就也亦終故詩卷阿傳會終也漢書敘傳音義引韋昭亦云會終也通作適爾雅釋文會郭音適詩卷阿正義會正作適是適會通史記魯世家云考公會索隱引系本作就鄒本作適詩及爾雅釋文會俱在由子由二反亦即適就之音又與借同說文借終也借會就又俱一聲之轉矣卒者說文作猝通作卒曲禮云大夫曰卒鄭注卒終也詩日月七月節南山蓼莪箋並與曲禮注同白虎通云大夫曰卒精燭終卒卒之為言終於國也一切經音義九引舍人曰卒病之終也就者越語云先人就世不穀即位韋昭注就世終也南史徐陵傳光宅寺慧雲法師每嗟陵早就謂之顏回是亦以就為終

崩薨無祿卒徂落殯死也

古者死亡尊卑同稱耳故尙書堯曰殯落殯曰陟方乃死

說文云歺漸也人所離也檀弓曰君子曰終小人曰死鄭注死之言漸也事卒為終消盡為漸按死終二字對文則別散文則通周禮疾醫注少者曰死老者曰終此亦對文若散文則終死亦老少之通稱矣崩薨無祿卒者曲禮云天子死曰崩諸侯曰薨大夫曰卒士曰不祿庶人曰死大戴禮及白虎通俱依此次爾雅則以無祿居卒之前蓋順文無別義也析言其義則穀梁隱三年傳高曰崩厚曰崩尊曰崩天子之崩以尊也說文崩山壞也夢公侯葬也大夫歺曰殯釋名云崩

壞之形也崩礧聲也薨壞之聲也不祿不復食祿也卒言在竟也是釋名本爾雅為序亦以無祿居卒之前矣白虎通云崩之為言慟然伏僵薨之言奄也奄然亡也卒之為言終於國也祿之言消也身消名彰曲禮注異死者為人藝其無知若猶不同然也自上顛壞曰崩薨顛壞之聲卒終也不祿不終其祿公羊隱三年注不祿無祿也然則諸家之說大意相同無祿俱作不祿其義同也然不祿之言俱屬之士故言不終其祿或言不復食祿此皆望文生義古說又復不同按通典八十二引漢石渠議問人通漢問云記曰君赴於他國之君曰不祿夫人曰寡小君曰不祿大夫士或言卒死皆不能明戴聖對曰君死未葬曰不祿既葬曰薨此則諸侯亦稱不祿矣故晉語云又重之以寡君之不祿韋昭注士死曰不祿禮君死赴於他國曰寡君不祿謙也韋昭注及石渠議所據皆禮雜記之文也又大夫亦稱不祿故雜記云大夫計於同國適者曰某子祿計於士亦曰某不祿又庶人亦稱不祿故曲禮云壽考曰卒短折曰不祿鄭注祿謂有德行任為大夫士而不為者老而死從大夫之稱少而死從士之稱然則不祿之言通於上下今攷其義不祿猶言不祥祥祿皆訓善廣雅云祿善也不祿即不善謂遭凶禍也祿又福也無祿猶言無福亦謂遭死喪也詩民今之無祿左氏昭七年傳今無祿故雜記云寡君使某問君如何不淑又云寡君使某如何不

淑是皆弔問凶喪之詞也卒者卒之假借也經典通作卒而
訓終終歿義亦為死也故通典引石渠議云孝子諱死曰卒
又引許慎五經通義云卒之為言終於國也曲禮云壽考曰
卒三說互異蓋卒亦上下之通稱義與無祿同矣徂者徂之
假借也徂落者說文云徂往死也引虞書曰放勳乃徂落通
作徂舜典正義引李巡云徂落堯死之稱郭此注又引舜陟
方乃死之文白虎通兩釋之云書言徂落死者各自見義堯
見憐痛之舜見終各一也釋者去徂落徂祥也福祚殞落也
徂亦往也言往去落也孟子注本爾雅云徂落死也今按梅
書舜典作帝乃徂落孟子引堯典作放勳乃徂落說文引書
與孟子同書之真古文也釋文徂音徂本又作徂殞音落本
又作落今從宋本作徂落與孟子合此有本矣殞者說文云
殞也釋名云殞翳也就隱翳也按翳亦死之通稱故晉語云
擊人盡殞左氏隱九年傳衷戎師前後擊之盡殞是皆以人
死為殞也楚辭國殤篇云左驂殞兮右刃傷晉語
云射兕于徒林殞以為大甲是又以物死為殞矣

皇清經解卷一千二百五十八終

漢軍陳良玉樊封新校





